

Uunga siunnersuut: Inissianik attartortitsisarneq pillugu Inatsisartut peqqussutaat nr. x, xx. maj 2005-imeersoq

Illussaqaartitsineq, boligstutte, illunik attartorneq il.il. pillugit Kalaallit Nunaannut inatsit nr. 944, 23. december 1986-imeersoq naapertorlugu aalajangersarneqarput:

Kapitali 1
Atuuffissaa

§ 1. Peqqussutip atuuffigisaa tassaavoq illunik illunilu ineeqqanik inigisassanik attartortitsineq, attartukkanik attartortitseqqinneq ilanngullugu, tamatumani aningaasaanik allaanerusunik akiliuteqartarnersoq aamma inissiap ilaa inissiatuunngitsoq attartortinneqarnersoq apeqqutaatinnagu, taamaattorli tak. imm. 2.
Imm. 2. Peqqussut taamaallaat attartornermi pissutsinut atuuppoq, attartortoq inuttut namminiussuseqarpat.

§ 2. Attartornissaq isumaqatigiissutigineqartassaaq immersugassaaq Naalakkersuisunit akuerisaalluni kalaallisut qallunaatullu naqitaasoq atorlugu.
Imm. 2. Attartornermi isumaqatigiissummi allataasumi aalajangersakkat peqqussummi taaneqartunit annertunerusumik attartortumut pisussaffeqartitsiviusut imaluunniit annikinnerusumik attartortumut pisinnaatitaaffeqartitsiviusut atuutsinneqassappata, tamanna erseqqissaatigineqassaaq.
Imm. 3. Isumaqatigiissuteqarnikkut imm. 1-mi aamma 2-mi aalajangersakkat attartortumut ajoqutaasussamik sanioqqunneqarsinnaanngillat.

§ 3. Peqqussut attartornernut, immikkut inatsisiliaasunit aqutaasunut atuutsinneqanngilaq, imaluunniit inissianut ukununnga atuutsinneqassanani:
1) Namminersornerullutik Oqartussat inissiaataannut attartortittakkanut Naalakkersuisunit ilaajunnaarsinneqarsimasunut
2) kommunep inissiaataanut attartortittakkanut kommunalbestyrelsimit ilaajunnaarsinneqarsimasunut, taamaattorli tak. imm. 2.
Imm. 2. Inissianut imm. 1, nr. 2-mi pineqartunut Nunap Karsianit sananeqarnerminnut tapiiffigineqarsimasunut ilaajunnaarsitsinissamut Naalakkersuisut akuersissuteqanissaat piumasaqataavoq.

§ 4. Peqqussut utaqqiisaagallartumik inigitinneqartunut atuutinngilaq, taamaattorli tak. § 20, imm. 1, nr. 3.
Imm. 2. Peqqussut Namminersornerullutik Oqartussat kommunelluunniit inissiaataanni utaqqiisaasumik sulisunut inigitinneqarallartunut tunngassuteqartunut atuutinngilaq, tamatumani apeqqutaatinnagu inissiinermut

akiliuteqartitsisoqartarnersoq akiliuteqartitsisoqartanneginnersorluunniit, taamaattorli tak. imm. 3 aamma 4.

Imm. 3. Namminersorerullutik Oqartussat kommunelluunniit inissiaataanni utaqqiisaasumik inigitinneqarallartunut akiliuteqartitsisoqartarsinnaavoq.

Imm. 4. Utaqqiisaagallartumik inigitinneqartartut aqunneqarnerat ingerlanneqarnerallu pillugit Naalakkersuisut maleruagassiorsinnaapput, matumani akiliutigineqartartussat annertussusissaat kiisalu inissiigallarnermi aningaasartuutaasut matussusiivigineqarnissaat ilanngullugit.

Kapitali 2

Innersuussissarnermi maleruagassat

§ 5. Illuutini Namminersorerullutik Oqartussanit kommunenilluunniit pigineqartuni inissiat inigineqanngitsut inissarsiortunut imatut tulleriinnilersuilluni innersuunneqartassapput, inissiat:

1) iluarsaassinernut isaterinernullu atatillugu Namminersorerullutik Oqartussat kommunellu inisseeqinnissaannut atugassat, tak. § 67.

2) attartortunut iniminnik piginneqatigiilluni inissiatut pigisatulluunniit tiguserusunngitsunut, tak. § 24, imm. 1.

3) initaartinneqarnissamik siusinnerusukkut qularnaveeqqusiivigineqarsimasunut eqquutsitsiniarluni innersuunneqartussat, tak. § 57, imm. 4.

4) aapparispap toqkkut qimagaasup atorffimmut aalajangersimasumut inigitinneqartumik qimatsinissaanut atatillugu innersuussutigineqartussat, tak. § 62, imm. 2.

5) aapparispap toqkkut qimagaasup inimik innarluutilimmut immikkut aaqqissugaasumik tunniussaasimasumillu qimatsinissaanut atatillugu innersuussutigineqartussat, tak. § 62, imm. 3.

6) siunertanut aalajangersimasunut inniminnigaasut, tak. § 3, imm. 1, nr. 1 aamma 2.

7) sullissivinni sulisunut inissamut normumik atorneqanngitsumik pigisaqartunut atugassat, tak. § 9,

8) kommunet isumaginninnermi inissaqartitsinissaannut atugassat, tak. § 23,

9) nammineq kissaatigalugu nuunniartunut atugassat, tassunga ilanngullugu inigisanik paarlaannerit, tak. § 58,

10) utaqqisut allattorsimaffianni nalinginnaasumi allassimallutik inissarsiortunut atugassat, tak. § 6.

Imm. 2. Imm. 1, nr. 1 – 5, naapertorlugu inissiat innersuunneqartut naleqquttumik angissuseqartinniarneqassapput pitsaassuseqassallutillu. Ineqarnermut aningaasartuutit tamarmiusut sapinngisamik inissiami qimanneqartumi aningaasartuutaasarsimasutut annertussuseqartinniarneqassapput.

Imm. 3. Namminersorerullutik Oqartussat kommunelluunniit siunertanut aalajangersimasunut atugassanik inissianik inniminniisinnaapput, tassunga ilanngullugit inissiat atorffimmut aalajangersimasunut atugassiissutigineqartussat.

Imm. 4. Naalakkersuisut kommunet ataasiakkaat isumaqatiginiareerlugit inissiat imm. 1-imi taagorneqartut qanoq agguarneqarnissaat pillugu kommunenut tamanut immikkut aalajangersaasinnaapput.

§ 6. Utaqqisut allattorsimaffianni nalinginnaasumi inissarsiorlutik allatsissimasut inissiamut immikkut kissaateqarsinnaapput, tassani pineqarlutik inissiap akia, inissisimaffissaa, taassuma ataani init quleriit arlaannut inissikkusunneq kiisalu angissusissaaq, inissiap angissusia inoqutigiinni inuit amerlassusiinut naapertuuppat.

Imm. 2. Utaqqisut allattorsimaffianni nalinginnaasumi, allamut nuunnissamik kissaateqartut allattorsimaffianni kiisalu paarlaateqateqarniarlutik utaqqisut allattorsimaffianni inissarsiorlutik allatsissimasut inissiamik innersuussinermi inoqutigiinni inuit amerlassusii ataatsimik sinnerlugit initalimmik neqerooruteqartoqarsinnaavoq, tak. § 19.

Imm. 3. Najukkami inissianik attartortitsiniarneq ajornakusoortinneqartoq paasinarsippat, inissiamik inoqutigiinni inuit amerlassusii ataatsimik marlunnilluunniit sinnerlugit initalimmik neqerooruteqartoqarsinnaavoq.

§ 7. Inissamik innersuussinermi attartortitsisup attartortussaq isertitai pigisaalu pillugit paasissutissanik piumasaaqarfigisinnaavaa, attartortoq ineqarnermut aningaasartuutunik ingerlaavartunik kiisalu qulaarnaveequsiissutissamik akiliisinaanersoq pillugu naliliiniarnermut atugassanik.

Imm. 2. Inissarsiorloq utaqqisut allattorsimaffiannut ilaatinneqarnerminut akiliuteqartinneqartassaaq, aammalu ukiut tamaasa allatsissimanerup ingerlaqqiinnarnissaanik uppernarsaanermini akiliuteqartinneqartassalluni.

Imm. 3. Naalackersuisut inissianik innersuussisarneq attartortitsisarnerlu, akiligassat akilersinniarneqartarnissaat akitsuutillu annertussusissaat, kiisalu utaqqisut allattorsimaffiinnik aqutsinissaaq, taassumalu ataani utaqqisut allattorsimaffiisa inissianut sunut ataneri suussusiilu pillugit maleruagassiorsinnaapput, tak. § 5, imm. 1.

§ 8. § 5, imm. 4-mi allassimasut apeqqutaatinnagit sulisunut inissiat inigineeruttut 20 %-ii sulisunut, nammineq kissaatigisamik nuunnissamut utaqqisut allattorsimaffiannut allatsissimasunut innersuunneqartassapput. Sulisut inissiamut immikkut kissaateqarsinnaapput, tassani pineqarlutik inissiap akia, inissisimaffissaa, taassuma ataani init quleriit arlaannut inissikkusunneq kiisalu angissusissaaq, inissiap angissusia inoqutigiinni inuit amerlassusiinut naapertuuppat.

Imm. 2. Nammineq kissaatigisamik nuunnissamut utaqqisut allattorsimaffiani sulisunik allatsissimasooqanngippat, sulisunut inissiat inueruttut § 5-imi taaneqartutut innersuunneqarsinnaapput.

§ 9. Naalackersuisut inissianut normunik aalajangersimasunik amerlassusilinnik, sulisunut atorfeqarnermi inissiamik innersuussiffigineqarsinnaatitaasunut, tak. § 5, imm. 1, nr. 7, Namminersornerullutik Oqartussat inissiaataanniit tunniussassanik agguaassisinnaapput. Inissianut normunut tunniunneqarsimasunut sulisitsisoq, inissianut normunik pigisaqartoq ukiumoortumik akiliuteqartinneqarsinnaavoq.

Imm. 2. Aammattaaq Namminersornerullutik Oqartussani sulisunut inissiat aqunneqarnerinut akiliuteqartitsisoqarsinnaavoq, aqutsinermi aningaasartuutiviusunut matusissutissanik.

Imm. 3. Naalackersuisut Namminersornerullutik Oqartussani sulisunut inissiat aqunneqarneri ingerlanneqarnerilu pillugit maleruagassiorsinnaapput, matumani ilanngullugit ukiumoortumik akiliutaasartussap kiisalu aqutsinermut akiliutaasartussap angissusissaasa aalajangersaavigineqartarnissaat.

§ 10. Naalackersuisut inissianut normunik aalajangersimasunik amerlassusilinnik, sulisunut atorfeqarnermi inissiamik innersuussiffigineqarsinnaatitaasunut, tak. § 5, imm. 1, nr. 7, kommunalbestyrelsemut tunniussisinnaapput.

Imm. 2. Kommunalbestyrelsip kommunemi taassumaluunniit sullissiviini atorfillit, inissiaq kommunep inissiaataannut attartortittakkanut ilaalluni sulisunut inissianut attuumassuteqarpat, inoqutigiinni inuit amerlassusaat inimik ataatsimik sinnerlugit tunineqassanersut aalajangersinnaavaa.

Imm. 3. Kommune sulisunut inissianik agguassinermi aqutsineq tulleriarinermilu tungavissat pillugit sukumiisunik aalajangersaasinnaavoq. Maleruagassat taamaattut Naalackersuisunit akuerineqassapput.

§ 11. Naalagaaffiup Sinniisoqarfiani, Nunatta Eqqartuussiviani, Kalaallit Nunaanni Politimestereqarfimmi sullissivinnilu taakkununnga atasuni sulisunut, inissiamik innersuussiffigineqarsinnaatitaallutik atorfeqarlutik sulisunut inissiat innersuunneqartassapput, Naalackersuisut aamma Naalagaaffiup Sinniisoqarfiata, Nunatta Eqqartuussiviata kiisalu Kalaallit Nunaanni Politimestereqarfiup isumaqatigiissuteqarnerisigut.

Imm. 2. Inissiat imm. 1-imi taaneqartut inissiap piniarneqarneraniit kingusinnerpaamik qaammatit pingasut qaangiunnerini innersuunneqartarnissaat anguniarneqartassaaq.

Imm. 3. Sullissivinni imm. 1-imi taaneqartuni sulisunut inissianik innersuussisarnissamut pisussaaffik eqqortinniarlugu Namminersornerullutik Oqartussat inissianik arlalinnik inniminniisarsinnaapput.

Imm. 4. Sullissivinni imm. 1-imi taaneqartuni pisortatut sulisunut pisortanut inissianik innersuussisoqarsinnaavoq, tamanna pillugu Naalackersuisunut aalajangersimasumik isumaqatigiissuteqarnikkut.

§ 12. Inissiat Inatsisartuni sullissivinnilu taakkununnga attuumassuteqartuni sulisunut inissamik innersuunneqarsinnaatitaallutik atorfinitsitaasimasunut inissiat, kiisalu inissiat allat Inatsisartunut atorneqartussat innersuunneqartassapput, Naalackersuisut Inatsisartullu isumaqatigiissuteqarnerat naapertorlugu.

Imm. 2. Sullissivinni imm. 1-imi taaneqartuni sulisunut inissianik innersuussisarnissamut pisussaaffik eqqortinniarlugu, Namminersornerullutik Oqartussat inissianik arlaqartunik immikkoortitassanik inniminniisarsinnaapput.

Imm. 3. Sullissivinni imm. 1-imi taaneqartuni pisortatut sulisunut pisortanut inissianik innersuussisoqarsinnaavoq, tamanna pillugu Naalackersuisunik aalajangersimasumik isumaqatigiissuteqarneq naapertorlugu.

Imm. 4. Inatsisartuni sullissivinnilu taakkununnga attuumassuteqartuni sulisunut atorfeqarnermi inissamik innersuussiffigineqarsinnaatitaasunut, inissiat §§ 16-18-imi maleruagassat malillugit innersuunneqassapput.

§ 13. Namminersornerullutik Oqartussat inissiaataat, sulisunut atorfeqarnermi inissiamik innersuussiffigineqarsinnaatitaasunut innersuunneqartartussat sisamanut agguagaapput tulleriarinerlu una malillugu innersuunneqartassallutik:

1) naalackersuisoqarfinni ataasiakkaani naalackersuisunut pisortanullu inissiat, tak. § 14,

2) Namminersornerullutik Oqartussat qitiusumik allaffeqarfianni immikkoortortani pisortanut assigisaannullu, akissaateqarfik 37 tassanngaanniilluunniit

qaffasinnerusoq naapertorlugu akissarsiaqartinneqartunut inissiat, tak. § 15,
3) Namminersorerullutik Oqartussat qitiusumik allaffeqarfianni allaffinni
pisortanut, akissaateqarfik 36 tassanngaanniilluunniit qaffasinnerusoq naapertorlugu
akissarsiaqartinneqartunut inissiat, tak. § 16,
4) Namminersorerullutik Oqartussat qitiusumik allaffeqarfianni, sullissivinni
suliffeqarfinnilu tassunga atasuni kiisalu sullissivinni, suliffeqarfinni aammalu
aktiaateqarluni ingerlatseqatigiiffinni Namminersorerullutik Oqartussanit
pigineqartuni sulisunut allanut atorfeqarnermi inissiamik
innersuussiffigineqarnissamik piginnaatitaaffeqartunut inissiat, tak. § 17.
Imm. 2. Naalackersuisut inunnut §§ 16-imi 17-imilu taaneqartunut inissianik
innersuussisarneq pillugu maleruagassiorsinnaapput.

§ 14. Naalackersuisoqarfinni ataasiakkaani naalackersuisunut ilaasortanut
pisortanullu inissianik innersuussisarmissamut Namminersorerullutik Oqartussat
inissianik, Naalackersuisunut pisortanullu inissiatut taagorneqartunik arlaqartunik
immikkoortitassanik inniminniissapput.

Imm. 2. Naalackersuisunut pisortanullu inissiat, tak. imm. 1, pingaernerutillugu
tassaasassapput ilaqutariinnut ataatsinut illut imaluunniit illut affarleriit.

Imm. 3. Imm. 1-imi taaneqartunut inissianik innersuussinermi inissianut
ataasiakkaanut inoqutigiinni inuit qanoq amerlatiginissaat piumasaqaataannilaq.

Imm. 4. Inissiat imm. 1-imi taaneqartut najugaqatigiiffimmuut nammineq
ingerlasumut, ingerlatsinermut tapiiffigineqarsinnaasumut imaluunniit
ingerlatsinermi immikkut ittumik aningaasartuutitut matusissutissanik
tapiiffigineqarsinnaasumut inissinneqassapput.

§ 15. Namminersorerullutik Oqartussat qitiusumik allaffeqarfianni
immikkoortortani pisortanut, akissaateqarfik 37 tassanngaanniilluunniit
qaffasinnerusoq naapertorlugu akissarsiaqartinneqartunut inissianik
innersuussinissamut Namminersorerullutik Oqartussat inissianik, pisortanut
inissianik taaneqartartunik arlalinnik inniminniissapput.

Imm. 2. Pisortanut inissiat, tak. imm. 1, pingaartumik tassaasassapput illuni
sanileriinni uiguleriinniluunniit inissiat kiisalu ilaqutariinnut ataatsinut illut
imaluunniit illut affarleriit.

Imm. 3. Pisortanut inissianik innersuussinermi inissiat inoqutigiinni inuit
amerlassusaat, § 19 naapertorlugu naatsorsorneqartut ininik marlunnik sinnerlugit
innersuussisoqarsinnaavoq.

§ 16. Namminersorerullutik Oqartussat qitiusumik allaffeqarfianni allaffinni
pisortanut, akissaateqarfik 36 tassanngaanniilluunniit qaffasinnerusoq naapertorlugu
akissarsiaqartinneqartunut inissiat § 17-imi taaneqartunit salliutinneqarlutik
innersuunneqartassapput.

§ 17. Inunnut §§ 11-16-imi taaneqartunut inissianik innersuussinissamut
pisariaqartinneqartut naammassineqarpata, inissiat Namminersorerullutik
Oqartussat qitiusumik allaffeqarfianni, sullissivinni suliffeqarfinnilu tassunga atasuni
kiisalu sullissivinni, suliffeqarfinni aammalu aktiaateqarluni ingerlatseqatigiiffinni
Namminersorerullutik Oqartussanit pigineqartuni sulisunut allanut atorfeqarnermi
inissiamik innersuussiffigineqarsinnaatitaasunut innersuunneqarsinnaapput.

§ 18. Inunnut §§ 12, 16 aamma 17-imi taaneqartunut inissianik piniarnermi innersuussinermilu inissiat imatut innersuussassanngorlugit piniartoqarsinnaavoq:

- 1) Kisimiittut inissiamik marlunnik initalimmik pissarsisinnaatitaapput.
- 2) Aappariit qitornaqanngitsut, kisimiittut ataatsimik qitornallit aamma aappariit ataatsimik qitornallit inissiamik pingasunik initalimmik pissarsisinnaatitaapput.
- 3) Kisimiittut marlunnik qitornallit aamma aappariit marlunnik qitornallit inissiamik sisamanik initalimmik pissarsisinnaatitaapput.
- 4) Kisimiittut pingasunik amerlanerusunilluunniit qitornallit aamma aappariit pingasunik amerlanerusunilluunniit qitornallit inissiamik tallimanik initalimmik pissarsisinnaatitaapput.

Imm. 2. Najukkami inissianik attartortitsiniarneq ajornakusoortinneqartoq paasinarpat, inissiamik inoqutigiinni inuit amerlassusii ataatsimik marlunnilluunniit sinnerlugit initalimmik qaqutiguinnaq immikkut ittumik tunniussisoqarsinnaavoq.

Imm. 3. Sulisunut, tak. §§ 11, 12, 15, 16 aamma 17, annerpaamik inissiat tallimanik initalit piniarneqarsinnaapput, inoqutigiinni inuit amerlassusaat § 19-imi maleruagassat malillugit naatsorsorneqarnerini sulisoq inissiamik anginerusumik ineqarnissamut pisinnaatitaanersoq apeqqaatinnagu.

Imm. 4. Sulisitsisoq inoqutigiinni inuit amerlassusaat, taamatullu inissiamik inniminniinermut piffissaq inissiallu innersuunneqarnissaanut piffissaq pillugit ilisimatitsissuteqassaaq. Piffissami innersuussiffiusumi inoqutigiinni inuit amerlassusaat inissiap, sulisumut innersuunneqartup angissusissaanut aalajangiisuusaaq.

Imm. 5. Sulisitsisoq akisussaavoq, inoqutigiinni inuit amerlassusaat ingerlaavartumik eqqortumik nalunaarutigineqartuarnissaanut.

§ 19. Inoqutigiinni inuit amerlassusaannik kisitsinermi angajoqqaat kisimiittut aappariillu inuttut marluttut naatsorsorneqartarput. Qitornat angerlarsimaffimmi najugaqartut, inissarsiortup taassumaluunniit aappaata inooqataataluunniit pilersuisussaataaffigisai tamarmik immikkut meeqqatut ataatsit naatsorsorneqassapput. Qitornat 18-it sinnerlugit ukiullit ukiuni kingullerni marlunni inissarsiortumik ineqateqarsimagunik inoqutigiinnut ilaasutut naatsorsuutigineqassapput. Naartunerit naatsorsuineri ilanngunneqarneq ajorput.

§ 20. Sulisunut, tak. §§ 11, 12, 15, 16 aamma 17, atorfeqarnermi inissiamik innersuussiffigineqarsinnaatitaasunut makku atuutissapput:

- 1) Sulisoq pisussaataavoq sulisunut inissiamik innersuunneqartumik tigusissalluni, tamatumani sulisup isumaqatigiissutaani ersarissumik allassimanngippat, sulisoq inissiamik immikkut ittumik tunineqarnissamut pisinnaatitaaffeqartoq, assersuutigalugu angissusissaq inissisimaffissarluunniit eqqarsaatigalugit.
- 2) Sulisoq sulisunut inissiamik innersuunneqartumik tigusiumanngitsoq inissiamik allamik innersuussiffigineqarnissamik pisinnaatitaaffeqanngilaq. Sulisoq sulisunut inissianut utaqqisut allattorsimaffianniit peerneqassaaq utaqqisullu allattorsimaffianut ilannguteqqinneqarsinnaanani.
- 3) Sulisoq sulisunut inissiamik innersuunneqartumik tigusiumanngitsoq aammalu utaqqiisaagallartumik inissinneqarsimasoq, utaqqiisaagallartumik ineqartitaanerminut ajunngitsorsiassaqartinneqarunnaassaaq imaluunniit sulisitsisup akiligaanik inissinneqarallarnini ingerlateqqissinnaajunnaassallugu, taamaattumillu sulisoq nammineq akilikkaminik inissiffissaminik allamik nassaartariaqarpoq.

4) Sulisoq sumiginnaaneq pissutigalugu sulisunut inissiamit anisitaasoq inissiamik allamik innersuunneqarnissamut pisinnaatitaaffeqanngilaq.

§ 21. Naalackersuisut imaluunniit kommunalbestyrelse aalajangiisinnaavoq, sulisoq sulisunut inissiami najugaqartoq inissiamik attartortittakkamik nalinginnaasumik neqeroorfigineqartoq sulisunut inissiaq inissianut attartortittakkanut nalinginnaasunut atugassarititaasut malillugit tigunissaa toqqarsinnaagaa, taamaattorli tak. imm. 3. Pisinnaatitaaffik tamanna taamaallaat atuutissaaq, sulisunut inissiap initai inissiap attartortittakkap nalinginnaasup neqeroorutigineqartup initaasa amerlaqataannik amerlassuseqarpata.

Imm. 2. Imm. 1-imi taaneqartut apeqqutaatinnagit attartortup, sulisunut inissiami innersuunneqartumi ukiut arfineq marluk sinnerlugit najugaqarsimasup inissiaq inissiatut attartortittakkatut nalinginnaasutut tiguniarlugu qinnutigisinnaavaa, taamaattorli tak. imm. 3. Tamatumani piimasaqaataavoq, sulisup piffissaq tamakkerlugu inissarsiorlutik utaqqisut allattorsimaffianni nalinginnaasumi allassimanissaa.

Imm. 3. Imm. 1-imi aamma 2-mi periarfissiissutigineqartut inissianut §§ 11, 14 aamma 15 naapertorlugu innersuunneqarsimasunut, kiisalu inissianut aalajangersimasumik siunertaqarluni imaluunniit atorfinnut aalajangersimasunut aalajangersimasumik atugassiilluni inniminnerneqarsimasunut atuutinngillat, tak. § 5, imm. 3.

§ 22. Kommunalbestyrelsep inunnik isumaginninnermik tunngaveqartumik ineqartitsinnermut siunertanut innersuussisinnaatitaanini atorpagu, kommunep piffissap inissiap kommunemit atorneqarsinnaalerfia aallarnerfigalugu attartortitsilernissarlu tikillugu ineqarnermut akiliutit inissiamullu atatillugu aningaasartuutit allat kommunep akilertassavai. Tamatuma peqatigisaanik saniatigut kommunep qularnaveeqqusiissutissaq tamakkerlugu akilissavaa.

Imm. 2. Kommunalbestyrelse annaasaqaratarsinnaanermut qularnaveeqqusiissaaq, tak. § 23, attartortup inissiamut aningaasartuutitut ingerlaavartunut akiliisinnaanera attartortup attartortitsisumut uppersarsinnaanngippagu, tak. § 7.

Imm. 3. Attartortitsisup kommune inunnik isumaginninnermik tunngaveqartumik ineqartitsinissamik siunertaqarluni inissiinarnerani itigartissinnaavaa, attartortoq siornatigut attartortitsisumut attartukkaminut akilinngitsuukkaminik ineqarnermut akiligassaqarpat imaluunniit akilersimanngisanik taarseeqqusiissutinik akiligassaqarpat, taamaattorli tak. imm. 4.

Imm. 4. Attartortitsisup akerliunera atuutissanngilaq, attartortup isertinnginnerani ineqarnermut akiligassat akilinngitsuukkat taarseeqqusiissutinillu akiligassat kommunep akilersimappagit.

§ 23. Annaasaqaratarsinnaanermut qularnaveeqqusiissutit attartortup ineqarnermut aningaasartuutinullu allanut inissiamut attuumassuteqartunut, taakkununga ilanngullugit iluarsaassinnermut aningaasartuutitut, akiliuteqanngitsoorneratigut attartortitsisup aningaasatigut annaasaqaatigisinnaasaanut sillimmatitut akilerneqassapput.

Imm. 2. Annaasaqaratarsinnaanermut qularnaveeqqusiissutit qaammatini aqqaneq-marlunni ineqarnermut akiliutit annertoqatigissavaat, taamaattorli annerpaamik 60.000 kr.-iussallutik.

Imm. 3. Annaasaqaratarsinnaanermut qularnaveeqqusiissutit inissiap attartortumut atugassiissutigineqarneraniit qaammatit aqqaneq-marluk qaangiunnerini ingerlaannartumik atorunnaassapput. Qaammatit aqqaneq-marluk iluanni attartortup sumiginnaanerata kingunerisaanik attartortitsisup attartorneq taamaatitsissavaa, kiisalu allakkatigut kommunemut nalunaarutigissallugu attartortitsisup annaasaqaratarsinnaanermut qularnaveeqqusiissutit tigusussanngorai.

Imm. 4. Attartortitsisup annaasat tamakkiisut inaarutaasumik naatsorsoreerpagit, attartortitsisup erngerluni annaasat annertussusaat kommunemut nalunaarutigissavai, taannalu tunngavigalugu kommunep qularnaveeqqusiissut akilissavaa.

§ 24. Namminersornerullutik Oqartussat imaluunniit kommunet illuutaanni attartortittakkami ataatsimi attartortut inissianik najukkaminik piginneqatigiilluni inissiatut imaluunniit inissiatut nammineq pigisatut tigusinissamik kissaateqarnertik, aammalu piginneqatigiilluni inissiaatileqatigiiffik imaluunniit inissianik nammineq pigisaqartut peqatigiiffiannik pilersitsinertik pillugu attartortitsisumut allakkatigut nalunaaruteqarpata, attartortitsisup attartortoq inissiamik najukkaminik piginneqatigiilluni inissiatut imaluunniit inissiatut nammineq pigisatut tigusinissamik kissaateqanngitsoq, inissiap najugaata taamaaqataanik neqeroorfigissavaa, tak. § 5, imm. 1, nr. 2. Attartortup inissiaq neqeroorutigineqartoq tigussallugu pisussaaffiginngilaa, kisiannili tamatumunnga taarsiullugu inissiami najugarisami atugassarititaasut allannguuteqartinnagit najugaqaannarsinnaavoq.

Imm. 2. Inissiap najugarisap taamaaqataanik innersuussisussaataaneq, tak. imm. 1, aatsaat atuutissaaq attartortup attartornermut isumaqatigiissut malissimappagu, aammalu attartortup inissiamik innersuunneqarnissamut piunasaqaatit allat naammassimappagit. Pissutsinik pingaaruteqangaanngitsunik imaluunniit attartortumut iluarsineqareersimasunik attartortitsisoq pissutissarsiorsinnaatitaanngilaq.

Imm. 3. Illumi Namminersornerullutik Oqartussanit imaluunniit kommunemit pigineqartumi attartortut illumi inissiat piginneqatigiilluni inissiatut pisiariniarlugit piginneqatigiilluni inissiaatileqatigiiffimmik pilersitsisimappata, piffissami piginneqatigiilluni inissiaatileqatigiiffiup illumik tigusinissamik allakkatigut neqerooruteqarneqaraniit §§ 5 aamma 65 Naalakkersuisut sanioqqussinnaavaat. Namminersornerullutik Oqartussat imaluunniit kommunep piffissaq taanna aallarnerfigalugu piginneqatigiilluni inissiaatileqatigiiffiat inummik peqatigiiffimmut ilaasortannornissamik utaqqisut allattorsimaffianni allassimasumik inissiamut inueruttumut innersuussinissamut pisinnaatissinnaavaat.

Kapitali 3

Najugaqartut oqartussaaqataanerat

§ 25. Namminersornerullutik Oqartussat kommunellu ilaqutariinnut arlalinnut illuutaat, tassaasut illut quleriinnik initallit, illut sanileriit illullu uiguleriit ikinnerpaamik pingasunik atasunik inissiatallit, najugaqatigiiffinnut aningaasaqarnikkut imminnut ingerlattunut agguarneqarsinnaapput.

Imm. 2. Najugaqatigiiffinni ataasiakkaani attartortut najugaqatigiiffiup § 26-mi aamma § 28, imm. 4-mi maleruagassat malillugit ingerlanneqarneranut

sunniuteqaqataanissamut pisinnaatitaapput, najugaqatigiiffimmi attartortut najugaqatigiiffimmi ataatsimiititsinermi najugaqatigiiffimmi siulersuisussanik sunniuteqaqataasussanik qinersisimappata.

Imm. 3. Naalackersuisut Namminersornerullutik Oqartussat kommunellu ilaqutariinnut arlalinnut illuutaasa najugaqatigiiffinnut agguarneqarnissaat, najugaqatigiiffinni siulersuisunut qinersisarneq najugaqatigiiffinnilu siulersuit sulinerat, matumani ilanngullugit najugaqatigiiffinni siulersuisut najugaqartunut aningaasaliissutinik atuinissaannut maleruagassat pillugit aalajangersaasinnaapput.

§ 26. Najugaqatigiiffinni tamaginni attartortitsisoq ingerlatsinermut missingersuusiussaaq, tak. § 28, imm. 2 aamma imm. 3, taannalu attartortitsisumit inaarutaasumik akuerineqannginnermini najugaqatigiiffinni siulersuisunut oqaaseqarfigisassanngorlugu saqqummiunneqassaaq.

Imm. 2. Najugaqatigiiffimmi siulersuisut ingerlatsinermut missingersuutini killiliussat iluanni makkununga tunngasunik siunnersuuteqarsinnaapput:

- 1) aserfallatsaaliugassat nutartigassallu suut attartortitsisup najugaqatigiiffimmi suliarisariaqarnerai,
- 2) najugaqatigiiffimmi init ataatsimoorussat ingerlanneqarnerat atorneqarnerallu, aamma
- 3) najugaqatigiiffimmi sunngiffimmi sammisassanik assigisaannillu pilersitsineq.

Imm. 3. Najugaqatigiiffinni tamaginni attartortitsisoq ukiumoortumik naatsorsuusiussaaq, taannalu kukkunersiorneqassaaq attartortitsisumillu inaarutaasumik akuerineqannginnermini najugaqatigiiffimmi siulersuisunut oqaaseqarfigisassanngorlugu saqqummiunneqassalluni.

Imm. 24. Ukiumoortumik naatsorsuutit attartortitsisumit inaarutaasumik akuerineqareerpata, najugaqatigiiffimmi siulersuisunut ilisimatitsissutitut nassiunneqassapput.

§ 27. Inissiaqarfinni namminersortunit pigisani imaluunniit illuutini namminersortunit pigisani, ikinnerpaamik najugaqarfiusunik arfinilinnik inissiaartaqartuni, piginnittumillu ataatsimit pigineqartuni, aammalu ataatsimik amerlanerusunilluunniit ataatsimut atortulersugaasuni, soorlu kiassarneq, errorsisarfeqarneq, nalliuttorsiortarfeqarneq imaluunniit najugaqartut illuat, attartorlutik najugaqartut sinniisissaannik toqqaasinnaapput, apeqqutit illup ingerlanneqarneranut pingaarutillit tamaasa pillugit attartortitsisumut oqaloqatiginnissinnaatitaasussamik.

Imm. 2. Naalackersuisut najugaqartut sinniisissaannik qinersisarneq najugaqartullu sinniisaasa sulinerat, taassuma ataani taakku illuutini attartortittakkani namminersortuni pigisani sunniuteqaqataasinnaanerat pillugu maleruagassiorsinnaapput.

Kapitali 4

Ineqarnermut akiliutit angissusilerneqartarnerat, ineqarnermut akiliutit iluarsiivigineqartarnerat allaffissornikkullu aqutsineq

Namminersornerullutik Oqartussat kommunellu inissiaataat attartortittakkat

§ 28. Namminersornerullutik Oqartussat kommunellu ilaqutariinnut arlalinnut illuutaanni najugaqatigiiffimmi inissianik attartortitsinermit isertitat tamakkiisut sukkulluunniit annertussusilerneqarnerini, najugaqatigiiffiup aningaasaliissutinit iluanaarutinut aningaasartuutininik, tak. § 31, aamma ingerlatsinermut aningaasartuutininik inissiamik piginnittumut akiliisinnaanissaa periarfissinneqassaaq, taakkununga ilanngullugit allaffissornikkut aqutsinermut akiliutit, tak. § 32, imm. 1-6, aserorterisarnernut pinaveersaartitsinermut akiliutit, tak. § 32, imm. 7, aamma akiliutissatut illuartitassatullu allajangikkat.

Imm. 2. Ineqarnermut akiliutit ukiumoortumik attartortitsisup najugaqatigiiffiinnut ingerlatsinermut missingersuusiai akuerisaalu tunngavigalugit ukiumut tulliuttumut annertussusilerneqartassapput. Imm. 1-imi piumasagaatit naammassiniarlugit ineqarnermut akiliummik qaffaanissaq pisariaqassappat, tamanna attartortunut ataasiakkaanut qaammatinik pingasunik sioqutsisumik nalunaaruteqareernikkut pisinnaavoq. Siumoortumik ilisimatitsissut qaffaanermut tunngaviusut qaffaatissallu qaammammut koruuninngorlugit annertussusissaat pillugit paasisutissanik imaqanngippat siumoortumik ilisimatitsissut atortussaatinneqarsinnaanngilaq. Ineqarnermut akiliutinik appaanerit siumut ilisimatitseqqaarani pisinnaapput.

Imm. 3. Aningaasartuutit ingerlatsinermut missingersuutinut ilanngunneqarsinnaasut ilaatigut tassaasinnaapput aningaasartuutit ilanngussaq 1-imi sunaasinnaanerannut assersuutigineqartut. Ilanngussaq 1-imi allassimasut aningaasartuutaasinnaasut tamakkerneqanngillat.

Imm. 4. Najugaqatigiiffimmi siulersuisut najugaqatigiiffimmi akuersaarnartunik annertussusilimmik pitsanngorsaansamut nutarterinissamullu siunnersuuteqarsinnaapput, tamatuma peqatigisaanik najugaqatigiiffimmi siulersuisut ineqarnermut akiuliummut qaffaatissat pisariaqartut akuerisinnaappatigik. Najugaqatigiiffimmi siulersuisut siunnersuutaat najugaqatigiiffimmi ataatsimiititsisinermi akuersissutigineqassaaq.

Imm. 5. Naalackersuisut pilersaarutaasumik aserfallatsaaliuinissamut teknikikkullu atortulersuutinik nutarterinissamut illuartitsisarneq, ineqarnermut akiliutip naatsorsorneqartarnera aamma ineqarnermut akiliutip iluarsiivigineqartarnissaanut siumoortumik ilisimatitsisarneq pillugu maleruagassiorsinnaapput.

§ 29. Namminersornerullutik Oqartussat kommunellu ilaqutariinnut arlalinnut illuutai kingusinnerpaamik 2010-mi imermut uuttuusersorneqarsimassapput, taamaalilluni illuummi imermik nillertumik kissartumillu atuinermut tamakkiisumut aningaasartuutinut naatsorsukkat immikkut atuneq malillugu attartukkanut ataasiakkaanut agguanneqarsinnaassallutik, taamaattorli tak. imm. 2.

Imm. 2. Imermut uuttuutinik inissianut ikkussuinissamut pisussaaffik atuutissanngilaq:

- 1) ikkussuinissaq teknikip tungaanit isigalugu isumatusaarnerunngippat,
- 2) Illuutip teknikikkut atortuinik iluarsaassinissaq 1. januar 2011 nallertinnagu pisussatut pilersaarusiorneqarsimappat, imaluunniit
- 3) ikkussuinissaq najugaqatigiiffiup aningaasaqarneranut naleqqutinngitsumik nammakkiissappat.

§ 30. Ilaqutariinnut ataatsinut illut illullu affarleriit Namminersornerullutik Oqartussanit kommunenillu pigineqartut ingerlatsinermut aserfallatsaaliuinernullu immikkoortorta qarfinnut, aningaasaqarnikkut imminnut ingerlattunut agguarneqassapput. Kommunep ilaqutariinnut ataatsinut illut illullu affarleriit ingerlatsinermut aserfallatsaaliuinernullu immikkoortorta qarfimmuut ataatsimut amerlanerusunulluunniit agguassavai. Ilaqutariinnut ataatsinut illut illullu affarleriit Namminersornerullutik Oqartussanit pigineqartut ingerlatsinermut aserfallatsaaliuinernullu immikkoortorta qarfimmuut, Kalaallit Nunaanni ilaqutariinnut ataatsinut illunik illunillu affarleriinnit Namminersornerullutik Oqartussanit pigineqartunit tamanit peqataaffigineqartumut ataatsimoortinneqassapput, matumanili Naalakkersuisunut pisortanullu inissiat, tak. § 14, imm. 1, ingerlatsinermut aserfallatsaaliuinernullu immikkoortorta qarfimmuut immiinnut ingerlattumut, tak. § 4, imm. 4, inissinneqartut pineqanngillat.

Imm. 2. Namminersornerullutik Oqartussat kommunellu ilaqutariinnut ataatsinut illuutaanni illuutaannilu affarleriinni ingerlatsinermut aserfallatsaaliuinernullu immikkoortorta qarfiup inissiaataanik attartortitsinermi akiliutip sukkulluunniit annertussusilerneqarnerani, ingerlatsinermut aserfallatsaaliuinernullu immikkoortorta qarfiup aningaasaliissutinit iluanaarutinut aningaasartuutinit, tak. § 31, aamma ingerlatsinermut aningaasartuutinit inissiamik piginnittumut akiliisinaanissaa periarfissinneqassaaq, matumani ilanngullugit allaffissornikkut aqutsinermut akiliutit, tak. § 32, imm. 1-6, matumani aningaasartuutit attartortumit toqqaannartumik akilerneqartut pinnagit, tak. imm. 7.

Imm. 3. Ineqarnermut akiliutit ukiumoortumik attartortitsisup ingerlatsinermut aserfallatsaaliuinernullu immikkoortorta qarfinnut ataasiakkaanut ingerlatsinermut missingersuusiaai akuerisaalu tunngavigalugit ukiumut tulliuuttumut annertussusilerneqartassapput. Aningaasartuutit ingerlatsinermut missingersuutinut ilanngunneqarsinnaasut ilaatigut tassaasinnaapput aningaasartuutit ilanngussaq 2-mi sunaasinnaaneranun assersuutigineqartut. Ilanngussaq 2-imi allassimasut aningaasartuutaasinnaasut tamakkerneqanngillat.

Imm. 4. Imm. 2-mi piumasagaatit naammassiniarlugit ineqarnermut akiliummik qaffaanissaq pisariaqassappat, tamanna attartortunut ataasiakkaanut qaammatinik pingasunik sioqqutsisumik nalunaaruteqareernikkut pisinnaavoq. Siumoortumik ilisimatitsissut qaffaanermit tunngavissut qaffaatissallu qaammammut koruuninngorlugit annertussusissaat pillugit paasissutissanik imaqqanngippat siumoortumik ilisimatitsissut atortussaatinneqarsinnaanngilaq. Ineqarnermut akiliutinik appaanerit siumut ilisimatitseqqaarani pisinnaapput.

Imm. 5. Imm. 2-4-mi aalajangersakkat apeqqutaatinnagit ingerlatsinermut aserfallatsaaliuinernullu immikkoortorta qarfimmuut ineqarnermut akiliutit ilanngussaq 3-mi akinut tunngavissatut allanneqartut, aningaasaliissutinit iluanaarutinut aningaasartuutinit illumik piginnittumut akilerneqartussanik, tak. § 31, aamma allaffissornikkut aqutsinermut aningaasartuutinit, tak. § 32, imm. 1-6, ilaqartinneqartut tunngavigalugit aalajangersarneqassapput. Akinut tunngavissat ukiumoortumik Inatsisartut aningaasanut inatsisaannut oqaasertaliussinikkut allanngortinneqarsinnaapput. Akinut tunngavissanik allannguinerup imaluunniit aningaasaliissutinit iluanaarutinut allaffissornikkullu aqutsinermut aningaasartuutit, tak. §§ 31 aamma 32, imm. 1-6, qaffannerisa kingunerisaanik ineqarnermut akiliutit qaffanneqassappata, tamanna attartortunut ataasiakkaanut qaammatinik pingasunik sioqqutsisumik nalunaaruteqareernikkut pisinnaavoq. Siumoortumik ilisimatitsissut

qaffaanermut tunngaviusut qaffaatissallu qaammammut koruuninngorlugit annertussusissaat pillugit paasissutissanik imaqqanngippat siumoortumik ilisimatitsissut atortussaatinneqarsinnaanngilaq. Ineqarnermut akiliutinik appaanerit siumut ilisimatitseqqaarani pisinnaapput.

Imm. 6. Attartortitsisup ingerlatsinerimut aserfallatsaaliuinerimullu immikkoortortaqqarfimmi ineqarnermut akiliutissamik aalajangersaariaaseq allanngortissinnaavaa, attartortunut ataasiakkaanik qaammatinik pingasunik sioqqutsisumik qaammatisiutit malillugit ukiup naanissaanut atuuttussanngorlugu ilisimatitsereernermit. Naatsorsueriaatsip allanngortinneqarnera ineqarnermut akiliutit qaffannerinik kinguneqassappat, siumoortumik ilisimatitsissut atorsinnaassaguni qaffaanermut tunngaviusunik qaffaatissallu qaammammut koruuninngorlugit annertussusissaannik imaqqassaaq.

Imm. 7. Eqqaavilerinerimut, anartarfilerinerimut, septiktankinik imaarsisarnerimut, illu imermut tankeqarpat imermik pajunneqartarnerimut aningaasartuutit kiisalu innaallagissamut, imermut kiassarnerimullu aningaasartuutit toqqaannartumik attartortumit akilerneqartassapput.

Imm. 8. Naalakkersuisut pilersaarutaasumik aserfallatsaaliuinissamut teknikikkullu atortulersuutinik nutarterinissamut illuartitsisarneq, ineqarnermut akiliutip naatsorsorneqartarnera aamma ineqarnermut akiliutip iluarsiivigineqartarnissaanut siumoortumik ilisimatitsisarneq pillugu maleruagassiorsinnaapput.

§ 31. Ukiumoortumik Namminersornerullutik Oqartussat kommunellu aningaasaliissutinit iluanaarutissaat illutip sananeranut akiusup 1,5%-iannik annertussuseqassaaq.

Imm. 2. Illuutip sanameranut akiusup naatsorsorneqarnerani aningaasartuutit sananermut attuumassuteqartut tamarmik ilaatinneqassapput, matumani ilanngullugit pilersaarusiorneq, nakkutilliineq illuliorfissamillu sanaartorfissagiuminarsaaneq. Illuutip sananeranut akiusoq, sananermut aningaasartuutiviusut apeqqutaatinnagit minnerpaamik kvadratmeterimut 7.000 kr.-inik aamma annerpaamik kvadratmeterimut 15.000 kr.-inik annertussusilerneqartassaaq.

Imm. 3. Illuummi iluarsaanneqarsimasumi iluarsaassinerup naammassinerata kingorna illuutip teknikimut aningaasaqarnerimullu tunngasunik naliliiffigineqarnera tunngavigalugu sananermut akiusoq aalajangersarneqassaaq, taamaattorli tak. imm. 2.

Imm. 4. Illuutinik pisineri, pisineri akiusoq illup sananeqarneratut akiusutut isigineqassaaq, kingusinnerusukkut naleqarnerulersitsisumik allanngortiterinerit, iluarsaassinerit imaluunniit pitsanngorsaanerit ilassutigalugit, taamaattorli tak. imm. 2 aamma imm. 3. Illuutit akeqanngitsumik, tunissutitut, kingornussinikkut, taarsiissutitalimmik arsaagaanikkut imaluunniit pigisanik paarlaaseqatigiinnikkut pissarsiarineqartut sananermut akiata aalajangersarneqarnerani illuutip teknikimut aningaasaqarnerimullu tunngasunik naliliiffigineqarnera tunngavigineqassaaq, taamaattorli tak. imm. 2.

Imm. 5. Illuutip sananeqarnerani akiusoq kvadratmeterimut 7.000 kr.-inut aalajangerneqarppat, tak. imm. 2, aammalu illuummi atortulersuutinit ukunangga ataaseq amerlanerusulluunniit amigaataappata, sananermut akiusoq, tak. imm. 2, atortulersuummut amigaataasumut ataatsimut kvadratmeterimut 1.000 kr.-inik appartinneqartassaaq:

1) Uffarfik/anartarfik imermik kuutsitsiviusartuq.

2) Kiassaateqarfimmiit kiassarneqarneq /kiassaateq uuliatortoq/kiassaateq innaallagiatortut.

3) Innaallagiat

4) Imeq imaluunniit imermut tanki.

5) Gassi imaluunniit innaallagiat qalatsissutaasartoq.

6) Kiffiutissat oqorsaateq, tak. imm. 6.

Imm. 6. Naternut, qilaamut iikkanullu kiffiutissat mineraluldit 250 mm-it inorlugit issussuseqarpat, sananermut akiusooq ilanngaaserneqassaaq, tak. imm. 5, nr. 6. Kiffiutissat allat atorneqarsimappata, kiffiutissat oqorsaasinnaassusiat mineraluldip oqorsaasinnaassusianut uuttuunneqassapput.

Imm. 7. Naalackersuisut imm. 3 aamma 4 malillugu teknikimut aningaasaqarnermullu naliliinissap qanoq ingerlanneqarnissaa pillugu maleruagassiorsinnaapput.

§ 32. Attartortitsisup attartortut allaffissornikkut aqutsinermut akiliuteqartissinnaavai, aningaasartuutitut allaffissornermut attuumassuteqartunut matusissutissanik. Allaffissornermut akiliut imm. 3-5-imi maleruagassat malillugit aalajangerneqassapput.

Imm. 2. Allaffissornikkut aqutsisussamik attartortitsisoq avataaniit atorfinitsitsisinnaavoq. Avataaniit allaffissornikkut aqutsisussap akissarsiassai attartortitsisup allaffissornikkullu aqutsisup akunnerminni isumaqatigiissuteqarnerisigut aalajangerneqassapput, taakkulu attartortitsisup imm. 3-5-imi maleruagassat malillugit allaffissornikkut aqutsinermut akiliutitut attartortunit akilertissinnaavai.

Imm. 3. Allaffissornikkut aqutsinermut akiliutit attartukkanut ataasiakkaanut angeqqatigiimmik agguarlugit imaluunniit imm. 4-mi aamma 5-imi maleruagassat malillugit angissusilerneqassanersut attartortitsisup aalajangissavaa.

Imm. 4. Allaffissornikkut aqutsinermut akiliutit agguarneqartussanngorlugit aalajangiiffigineqarsinnaapput, taamaalilluni tunngaviumik sullissinermut akiligassanut tunngaviumik annertussusiliisoqartassalluni aammalu ilassutitut sullissinermut akiligassanut ilassutissanik annertussusiliisoqartassalluni. Tunngaviumik sullissinermi akiliutip qularnaasavaa tunngaviumik isumannaatumik allaffissornikkut aqutsinerup isumagineqarnissaa. Ilassutitut sullissinerit neqeroorutigineqarsinnaapput suunissaallu attartortitsisumit aalajangerneqartassallutik.

Imm. 5. Tunngaviumik sullissinermi akiliutissat attartornernut ataasiakkaanut angeqqatigiinnik annertussusilerlugit aalajangerneqassapput. Ilassutitut akiliutissat najugaqatigiiffinni imaluunniit ingerlatsinermut aserfallatsaaliuinerimullu immikkoortortaqaqfinni, attartortitsisup ilassutitut suliaassatut toqqarsimasaani attartortunut akilersissavai.

Imm. 6. Naalackersuisut Namminersornerullutik Oqartussat kommunellu inissiaataasa attartortittakkat allaffissornikkut aqunneqarnerat ingerlanneqarnerallu, matumani ilanngullugit ilaatigut allaffissornikkut aqutsinermut akiliutip immikkoortui, tunngaviumik ilassutitullu sullissinerit immikkoortiterneri, akiliutit kiffartuussinernullu akiliutit immikkoortiterneri, aningaasaliissutinik allaffissornikkut aqutsineq, missingersuusiorneq, naatsorsuutinik saqqummiussisarneq kukkunersuinerlu pillugit maleruagassiorsinnaapput.

Imm. 7. Attartortitsisup Namminersornerullutik Oqartussat kommunellu

ilaqutariinnut arlalinnut illuutaanni attartortut akiliisissinnaavai, najugaqatigiiffimmi aserorterisarnermik pinaveersaartitsinermut atatillugu aningaasartuutitut matussutissanik.

Illuutit attartortittakkat namminersortunit pigineqartut

§ 33. Inissiani attartortittakkani namminersortunit pigineqartuni ineqarnermut akiliut aningaasartuutit malillugit annertussusilerneqassaaq, taannalu attartortitsisup aningaasaliissutitut aningaasartuutigisaanit uppersarnarneqartunit, ingerlatsinermut aningaasartuutigisaanit uppersarnarneqartunit aammalu illuutip teknikikkut aningaasaqarnikkullu nalingata diskontop affaatut annertussusilimmik ernialersorneqarneranut akiliutigisaanit qaffasinnerussanngilaq. Ineqarnermut akiliut inissiat angissusiat naapertorlugu agguarneqassaaq.

Imm. 2. Aningaasaliissutitut aningaasartuutit uppersarnarneqartsut tassapput illutaarnissaq siunertaralugu taarsigassarsilluni aningaasaliissuteqarnermi taarsigassarsiat erniaat imaluunniit sanatitsisup nammineq aningaasaatai atorlugit annaaratarneqarsinnaanngitsunik aningaasaliissuteqarnermi erniat naatsorsukkat, aningaasaliissuteqarnermi annaasaqaratarsinnaanermut ilassuserlugit.

Imm. 3. Ingerlatsinermut aningaasartuutit uppersarnarneqartsut ilaatigut tassapput innaallagissamut, imermut, eqqiaanermut, allaffissornikkut aqutsinermut, sillimmasiinermut aserfallatsaaliuinnermullu aningaasartuutit, kiisalu illuutip attartukkallu qanoq issusia eqqarsaatigalugu naapertuuttutut isigineqartut malillugit teknikikkut atortulersuutit nutarterinissamut illuartitat.

Imm. 4. Illuutip teknikikkut aningaasaqarnikkullu nalingata naatsorsorneqarnerani periaatsit Naalakkersuisunit aalajangersarneqartut malinneqassapput, tak. § 31, imm. 7.

Imm. 5. Attartortitsisoq pisinnaatitaavoq akinik qaffaanerit, akigititaasunik qaffaanerit il.il. kingunerisaannik, imaluunniit attartortitsisoq illuummi attartukkamiluunniit pitsannguisimappat ineqarnermut akiliummik qaffaanissamik piunasaqaateqassalluni. Piunasaqaat allakkatigut saqqummiunneqassaaq, tamatumunngalu peqatigitillugu illuummi attartortunut tamanut qaammatinik pingasunik sioqqutsisumik saqqummiunneqassalluni. Piunasaqaat qaffaanermut tunngaviusut qaffaatissallu annertussusissaat pillugit paasissutissanik imaqaanngippat, siunmoortumik ilisimatitsissut atortussaatinneqarsinnaanngilaq.

§ 34. Attartortup ineqarnermut akiliutip qaffanneqarnissaanik piunasaqaat akueriumanngikkuniuk, tak. § 33, imm. 5, attartortup piunasaqaatip tiguineraniit kingusinnerpaamik sapaatit akunnerisa marluk qaangiunnerini akerliliissut allaganngorlugu attartortitsisumut saqqummiutissavaa, tassanilu piunasaqaamma immikkut suut akueriumaneqaannginersut allanneqassapput. Taamatut pisoqarpat attartortitsisup ineqarnermut akiliummik qaffaanissaminik piunasaqarnini aalajangiisimaannaruniuk suliaq sapaatit akunneri arfinillit qaangiutinnagit eqqartuussivinnut suliakkiissutigissavaa.

Imm. 2. Suliaq eqqartuussivinnut suliakkiissutigineqarpat, attartortitsisup ineqarnermut akiliutissatut siunmoortumik nalunaarutigalugu piunasaqaatigineqartoq akilersortissavaa ineqarnermut akiliutaagallartutut eqqartuussiviup aalajangiinissaata

tungaanut. Tamatuma kingorna ineqarnermut akiliut eqqartuussiviup aalajangiinera naapertorlugu iluarsivigineqassaaq. Ineqarnermut akiliummik akiliisitsivallaartoqarsimappat, eqqartuussiviup aalajangeraniit kingusinnerpaamik qaammatit pingasut qaangiunnerini attartortitsisup ineqarnermut akiliut iluarsivigissavaa, piffissamit ineqarnermut akiliisitsivallaarfiusup aallartinneraniit atuuttussatut naatsorsorlugu.

Imm. 3. Attartortitsisup ineqarnermut akiliisitsivallaarutininik iluarsinera eqqartuussiviup aalajangiineraaniit qaammatit pingasut sinnerlugit kingusinneruppat, attartortup ineqarnermut akiliivallaarutit ernialernejarnissaat piumasarinnaavaa, piffissamit ineqarnermut akiliisitsivallaarfiusup aallartinneraniit atuuttussatut naatsorsorlugu. Kingusinaarluni akiliinermi il.il. ernialersuisarneq pillugu inatsimmi maleruagassat naapertorlugit erniat naatsorsorneqassapput.

§ 35. Illuutini illuniluunniit pisortanit imaluunniit namminersortunit pigineqartuni ineeqqanik najugaqarfissanik inuinnarnut attartortitsinermi, ineqarnermut akiliutit annerpaamik inissiami ineqarnermut imaluunniit akilersuutininut akiliutinut, kiassarnermut, innaallagissamut, imermut il.il. aningaasartuutaasunut, ineeqqat amerlassusaannut naatsorsorneqartunut naapertuuttumik annertussusilernejassapput.

Imm. 2. Ineeqqani attartortitsisup nammeneq najugaata ilaanniittuni attartornermut akiliutit qaffanneqarnissaat qaammammik ataatsimut sioqqutsisumik ilisimatitsissuteqarenikkut pisassapput. Ineeqqanut allanut tunngatillugu qaammatinik pingasunik sioqqutsisumik ilisimatitsisoqartassaaq. Siumoortumik ilisimatitsissut allaganngorlugu saqqummiunneqassaaq.

Ataatsimut aalajangersakkat

§ 36. §§ 30-35-mi maleruagassat attartortumut ajoqutaasumik isumaqatigiissuteqarnikkut sanioqqunneqarsinnaanngillat.

Kapitali 5

Qularnaveeqqusiissummik ineqarnermullu akiliummik akiliisarneq

§ 37. Attartornerup aallartinnerani Namminersornerullutik Oqartussat kommunellu inissiaataanni attartortittakkani attartortut qularnaveeqqusiissut, qaammatini pingasuni ineqarnermut akiliutissap annertoqataanik annertussusilernejartoq attartortitsisumut tamakkerlugu akilissavaat. Attartortup attartornerup aallartinnerani qularnaveeqqusiissutissaq tamakkerlugu akilersinnaanngikkuniuk, attartortup akiligassaq qaammatinut aqaaneq-marlunnut angeqqatigiinnut aggorlugu qaammatikkaartumik akilersorsinnaavaa, tak. imm. 7.

Imm. 2. Akilersuinissamik isumaqatigiissuteqarnermi, tak. imm. 1, attartortoq isumaqatigiissutip pilersinneqarneranut sullissinermut akiliummik 500 kr.-inik akiliisinneqassaaq, piffissallu akilersuiffiusup ingerlanerani qaammatit tamaasa taamaaqataanik 50 kr.-inik akiliisinneqartassalluni, taamaattorli tak. imm. 3. Attartortitsisup akileeqqusinermi sullissinermut akiliutitut 50 kr.-inik, taassumalu

saniatigut akiitsut 1.000 kr.-it sinnerlugit amerlassuseqartut 2%-iinik akiliinissaq piumasarisinnaavaa, taamaattorli tak. imm. 3. Aningaasat koruuninut ilivitsunut qaninnernut akunnaassisillugit ikilineqassapput.

Imm. 3. Sullissinermi akiliutissanik akiilisitsiniartarnej, tak. imm. 2, inissarsiortunut, inoqutiginni inissarsiortuni ukiumut isertitat akileraarutaasussat piffissami pineqartumi naatsorsorneqartut inissiani attartortittakkani ineqarnermut tapiissuteqartarnej pillugu Inatsisartut peqqussutaat nalunaarutillu tassunga attuumassuteqartut sukkulluunniit atuutsinneqartut naapertorlugit ineqarnermut tapiiffigineqarnissamut killissarititaasut inorlugit amerlassuseqarpata atuutsinneqassanngilaq.

Imm. 4. Eqqunngitsunik paasissutissiinerup kingunerisaanik qularnaveeqqusiissutigineqartussat tamakkerlutik ataatsikkut akiligassanngortinneqarsinnaapput.

Imm. 5. Attartortup attartukkaminik qimatsineranut atatillugu attartortitsisup qularnaveeqqusiissut immikkullu qularnaveeqqusiissut, tak. § 50, imm. 5, attartortumut piumasaqaatinut matusissutissatut atorsinnaavai.

Imm. 6. Naafferartumik akilersuinissamik isumaqatigiissuteqarsinnaatitaaneq attartortunut ukiut pingasut kingulliit iluanni attartorsimasaminni inigisamut aningaasartuutininut ingerlaavartunut akiliinngitsoortarnikkut sumiginnaasimasunut atuutinngilaq.

Imm. 7. Naalackersuisut qularnaveeqqusiissuteqartarnej pillugu maleruagassiorsinnaapput.

§ 38. Attartortoq pisussaavoq ineqarnermut, imermut kiassarnermullu akiligassanik, attartornermut isumaqatigiissummi aalajangersarneqartumi akiliinissamut piffissaq eqqorlugu akiliisassalluni.

Imm. 2. Attartortitsisoq akiliiffissamik akileeriaasissamillu innersuussissaaq. Akiligassat, tak. imm. 1, kingusinnerpaamik ullup akiliiffissap kingulliup qaangiunnerata kingorna ulluinaat pingajuanni akilerneqarsimassapput. Ulloq taanna arfininngorneruppat, nalliuttuuppat imaluunniit Inuiaat Ullorippassuk ulluinnarmi tullermi akiliinissaq piffissaq eqqorlugu akiliineruvoq. Aningaaserivikkut akiliineq akiliiffissatut innersuunneqartumut akiliinertut isigineqassaaq. Akiliiffissamik innersuussisoqarsimanngippat ineqarnermut akiliut attartortitsisup niuernermik ingerlataqarfianut akilerneqassaaq.

§ 39. Attartornermik taamaatitsitsinermi imaluunniit piffissami aalajangersimasumi attartortitsinerup naanerani attartortoq pisussaavoq, attartornerup attartornissamik isumaqatigiissut naapertorlugu naanissaata tungaanut piffissaq eqqorlugu ineqarnermut akiliisassalluni, tak. §§ 70 aamma 71.

§ 40. Inissianik namminersortunit pigineqartunik attartortitsinermi qularnaveeqqusiissutit, aallarniutissatut akiliutit siumoortumillu ineqarnermut akiliutit qaammatini arfinilinni attartornerup nalinga sinnerlugu amerlassuseqassanngillat.

Imm. 2. Imm. 1 attartortumut ajoqutaasumik sanioqqunneqarsinnaanngilaq.

Kapitali 6

Imermut, kiassarnermut il.il. akiliisarneq

§ 41. Attartortitsisoq kiassanermik imermillu kissartumik attartortumut pilersuisuuguni, attartortitsisup attartortup kiassarnermut imermullu kissartumut atugaanut aningaasartuutini, kiisalu attartortup inini ataatsimoorfiusuni assigisaanniluunniit kiassarnermut imermullu aningaasartuutitut akileeqataassutissai attartortumut akiligassiissutigisinnavai. Tamakkununga aningaasartuutit ineqarnermut akiliummut ilaatinneqarsinnaanngillat, ukiumoortumilli kiassarnermut naatsorsuutit immikkut ittut, attartortitsisup suliarineqartut aqutugalugit akilerneqassallutik. Ukiumoortumik kiassarnermut naatsorsuuteqarfiusumi qaammatisiutit ukiuat malinneqaassaaq.

Imm. 2. Attartortup aningaasartuutitut akileeqataasutissatut matusissutissaannut attartortoq qaammatikkaartumik akiliutaagallartunik akiliisinneqartassaaq.

Attartortup akiligassaa attartornermini akiligassatut pisussaaffiuvoq, aammalu ineqarnermut akiliummut ilanngullugu akiligassiissutigineqartassalluni, tak. § 38.

Imm. 3. Attartortitsisoq kiassarnermut naatsorsuusiordernerminut atatillugu allaffissornikkut aqutsinnermut akiligassanik akiliisitsisinnaavoq.

Imm. 4. Naalackersuisut kiassanermut naatsorsuusiorderneq, aningaasartuutit attartortunut agguarneqartarnerat, akiliisarneq aamma kiassarnermut akiliutissat iluarsiivigineqartarnerat pillugit maleruagassiorsinnaapput.

§ 42. Attartortitsisup illuummi ukiumi kiassarnermut naatsorsuuteqarfiusumi kiassarnermut imermillu kissartumik pilersuinnermut aningaasartuutit pillugit kiassarnermut naatsorsuutit, sumiiffimmut attartortitsisup nammineepluni toqqagaanut kingusinnerpaamik apriliip ulluisa 30-anni saqqummiutissavai.

Imm. 2. Ulloq imm. 1-imi aalajangerneqartoq taanna nallertinnagu naatsorsuutit saqqummiunneqanngippata, attartortitsisup akiliutaagallartut saniatigut akiligassanik akiliisitsiniarsinnaatitaanini annaassavaa.

Imm. 3. Naatsorsuutit kingusinnerpaamik juunip ulluisa 30-anni saqqummiunneqanngippata, attartortup naatsorsuutit inaarutaasut malillugit pisassami akilerneqarnissaasa tungaanut, Kalaallit Nunaanni aningaaserivimmi uninngasuutitut erniat sukkulluunniit qaffasinnerpaatinneqartut annertoqataannik ernialersussallugit pisinnaatitaavoq. Attartortup pisassaasa ernialersorneqarnerat aallarissaaq juunip ulluisa 15-anni, attartortup pisassaqaarnera ulloq taanna allakkatigut attartortumut nalunaarutip nassiunneqartussaaffia aallarnerfigalugu.

Imm. 4. Kingusinnerpaamik juunip ulluisa 15-anni akileriikkat saniatigut akiligassat imaluunniit utertitassat pillugit allakkatigut nalunaarutit attartortumut nassiunneqarsimassapput. Nalunaarut attartortup imm. 6 naapertorlugu akerliliisinaanera pillugu paasissutissanik imaqassaaq.

Imm. 5. Imm. 4 naapertorlugu allakkatigut nalunaarut kingusinnerpaamik juunip ulluisa 15-anni nassiunneqarsimannngippat, attartortoq akiligassat saniatigut akiliisinniarneqarsinnaanngilaq.

Imm. 6. Attartortup naatsorsuutitut akerliliissutaa allakkatigut attartortitsisumut saqqummiunneqassaaq, kingusinnerpaamillu aggustip ulluisa aallaqqaataanni attartortumut nassiunneqarsimassalluni. Akerliliissut naatsorsuutini immikkoortut suut akuerineqannginersut pillugit paasissutissanik imaqassaaq.

§ 43. § 42, imm. 4-mi piffissarititaasup naanerani avataanit pilersuisunit kiassarnermut naatsorsuutitut naammassisunut akiligassanik siumut naatsorsuutigeriinngisanik tigusaqartoqarpat, attartortitsisup akiligassat immikkut ittumik iliuuseqarluni kiassarnermut naatsorsuutitut tulliuuttunut nuussinnavai. Attartortitsisoq akiligassat nuunneqartut annertussusiat pillugu attartortunut ilisimatitsissuteqassaaq.

Imm. 2. Aningaasartuutit attartortut akornanni kukkusumik agguarneqarsimappata, attartortitsisup kukkuneq erngerluni iluarsissavaa, tamannalu pillugu attartortunut kallarneqartunut allakkatigut ilisimatitsissuteqassalluni, tak. imm. 3 aamma 4.

Imm. 3. Attartortoq akiligassiisutaagallartunut akiliinikipallaarsimappat, attartortitsisoq akiligassanut ilassutissanik siusinnerpaamik attartornermut akiliutininik akiliiffissami siullermi, imm. 2 naapertorlugu qaammammi attartortup nalunaarummik tigusaqarfianut tulliuuttumi akiliisoqarnissaanik piumasaqarsinnaavoq. Ilassutissatulli akiligassat qaammatini pingasuni attartornermut akiliutinit amerlaneruppata, attartortoq pisinnaatitaavoq, akiligassat qaammatikkaartumik akiligassatut pingasunut annertoqatigiinnik annertussusilerlugit agguarlugit akilissallugit.

Imm. 4. Attartortoq akiligassiisutaagallartunut akiliivallaarsimappat, imm. 2 naapertorlugu nalunaaruteqarnerup kingorna akiliivallaarutit attartortumut aningaasannorlugit akilerneqassapput, imaluunniit attartornermut akiligassanik siullernit ilanngaatigineqassallutik.

Imm. 5. §§ 41 - 43-mi maleruagassat attartortumut ajoqutaasumik isumaqatigiissuteqarnikkut sanioqqunneqarsinnaanngillat.

§ 44. Pilersuineramik ingerlatseqatigiiffik illuatungeriit isumaqatigiissuteqarnerat tunngavigalugu attartortunut ataasiakkaanut imermik pilersuisuuppat, akileeqqusissut akilikallu pilersuineramik ingerlatseqatigiiffiup attartortullu akornanni toqqaannartumik isumagineqassapput. Akileeqqusissutit akilikallu pilersuineramik ingerlatseqatigiiffiup atugassarititai nalinginnaasut naapertorlugit ingerlanneqassapput.

Imm. 2. Attartortitsisoq attartortumut imermik pilersuisuuppat, attartortup tamatumunnga aningaasartuutini matussusertinniarlugit piumasaaqatigisinnaavaa. Attartortitsisup attartortup imermut aningaasartuutaanut matussissutissanik attartortoq akiliutaagallartussanik akileeqqussavaa. Akiliutaagallartussat qaammammut ataasiarluni immikkoortillugit ineqarnermut akiliutissat nassiunneqarnerinut ilanngullugit akilersinniarneqartassapput.

Imm. 3. Illuummi inissiat immikkut naatsorsuinermit uuttusersugaanngippata, illummi imeq atorneqartoq tamakkiisoq attartukkat ataasiakkaat angissusaat naapertorlugu agguarneqassaaq. Imermut naatsorsuusiordermi attartortitsisoq attartukkamut ataatsimut 275 kr.-inik akiliisitsisinnaavoq. Imermut naatsorsuutit najugaqatigiiffimmi, illuutip inissisimaffigisaani ukioq naatsorsuusiorderfiusoq malissavaat.

Imm. 4. Illuummi attartukkat ataasiakkaat immikkut naatsorsuinermit uuttusersugaappata, uuttuutit ataasiakkaat aningaasartuutitut matussusiissutissanik akiliisitsiniarnissaq imaluunniit akiliutaagallartunut akiliivallaarutininik utertitsinissaq siunertaralugu ukiumut ataasiarlutik atuarneqartassapput. Tamannattaq attartortup inissiamut iserterneranut aamma inissiamit anineranut atuutsinneqarpoq. Akiligassani attartortumut nassiunneqartuni ilaatinneqartussat tassaapput piffissami

imermut uuttuut malillugu imermik atuinerup annertussuserpiaa 5 %-inik ilaqartinneqartoq, atuaanermut akiliut 175 kr.-inik annertussuseqartoq, kiisalu uuttuummik attartorneq uuttuummut ataatsimut qaammammut 10 kr.-inik annertussusilerneqartoq. Akiliutaagallartunut akiliivallaarutit attartortumut utertinneqassapput akiliutaagallartunullu akiliinikipallaarutit attartortumut akiligassiissutigineqassallutik.

Imm. 5. Naalakkersuisut atuaasarneq imermullu atukkamut akiliisitsiniartarneq, kiisalu imermut naatsorsuusiortarneq pillugu sukumiinerusunik maleruagassiorsinnaapput.

Kapitali 7

Aserfallatsaaliuineq, iluarsaassineq atuinerlu

§ 45. Namminersornerullutik Oqartussat kommuunillu inissiaataanni attartortittakkani illuutit attartortitallu isumannaatsumik

aserfallatsaaliorneqarnissaasa isumagineqarnissaa attartortitsisup pisussaaffigaa.

Imm. 2. Avammut kuuffinnut, kiassarnermut, innaallagissamut, gassimut imermullu teknikikkut atortulersuutit tamarmik pitsaasuutinneqassapput atorsinnaasuutinneqassallutillu. Taamatuttaaq innaallagissamut ikkuffiit, iikiussat, matserfiit, kiassaait, ruujorit, sikaaviit alaakkaasut, illup iluani atortut il.il. aserfallatsaalissallugit attartortitsisup pisussaaffigai. Nungullarnikkut pisoqalinikkullu ajorseriaatsit kingunerisaannik ima akulikitsigisumik isumagineqartassapput nutarterinerit iluarsaassinerillu illuutit attartorneqartullu pissusissaat eqqarsaatigalugit pisariaqartitsinerit malillugit suliarineqartassallutik.

Imm. 3. Piffissami attartorfiusumi attartortup inissiami qilaat qalipallugit qaqorsarnissaat, iikkat qalipannissaat aamma/imaluunniit ungalitsersorneqarnissaat kiisalu natit lakkernissaat akisussaaffigaa taakkunungalu aningaasartuutit akilissallugit.

§ 46. Inuinnaat inissianik attartortitsineranni attartortoq attartortitsisorlu allanik isumaqatigiissuteqarsimangippata § 45-mi allassimasut atorneqassapput.

§ 47. Attartortitsisup attartorneqartoq piffissamit attartornissap aallartiffissaaniit pitsaasumik isumannaatasumillu pitsaassuseqartillugu attartortumut atugassanngortissavaa. Ikkat, qilaat naqqillu nalinginnaasumik iluarsaanneqarsimassapput, tak. § 77, imm. 1. Attartugassaq eqqiarneqarsimassaaq uumasuaraqassananilu, igalaat, sikaaviit matui aamma matut ilivitsuussapput atorsinnaasunillu paarnaarsaateqassallutik. Kiisalu matut silarliit tamarmik immikkut marlunnik matuersaateqassapput, teknikikkullu atortulersuutit ajoquteqassanatik.

Imm. 2. Inissiamut iserternermut atatillugu attartortitsisup attartortoq taannaluunniit sinnerlugu takkuttoq ilagalugu inissiaq takuniassavaat inissiamullu iserternermut nalunaarusiussallutik, taassumalu assilineranik attartortoq tunineqassaaq. Takuniaanermi amigaait malugineqartut inissiamut iserternermut nalunaarusiamut ilanngunneqassapput.

Imm. 3. Amigaait allat, attartortup inissiamut iserternermi kingorna tigusinermut atatillugu tikkuarsutai inissiamut iserternermiit sapaait akunneri marluk

qaangiutsinnagit allakkatigut attartortitsisumut nalunaarutigineqassapput. Amigaatilli nalinginnaasumik misissuinermi takuneqarsinnaasimangippata imaluunniit attartortitsisoq peqquserlussimappat tamanna atuutissanngilaq.

Imm. 4. Imm. 2-mi aamma 3-mi maleruagassat attartortumut ajoqutaasumik isumaqatigiissuteqarnikkut sanioqqunneqarsinnaanngillat.

§ 48. Attartortup attartorneqartoq isumannaatsumik paarissavaa, ajoqusikkanullu attartortup nammineq, attartortup inoqutaasa allalluunniit attartortup attartorneqartumut isersinnaatitaasa isumannangitsumik pissusilersornerisigut ajoqusersimasaannut taarsiinissamut attartortoq akisussaavoq. Takusaanermi paarsinerluttoqarsimasoq paasineqarpat, attartortitsisup tamanna piumasarippagu attartortup ingerlaannartumik ajoqusikkat iluarsaatissavai.

Imm. 2. Attartortup attartortitsisoq akuersiseqqaarnagu inissiaq isumaqatigiissutigineqartumit allaanerusumik atussanngilaa.

Imm. 3. Inissiami ineeqqanik ataasiakkaanik inisimasunut allanut attartortitsinerup saniatigut, attartortup attartortitsisoq akuersiseqqaarnagu inoqutigisami saniatigut allanut attartorneqartoq atugassanngortissanngilaa, taamaattorli tak. § 58.

Imm. 4. Ineeqqanik attartortut attartortitsisoq akuersiteqqaarnagu ineeqamik atuinernik allanut tunniussinnaanngilaat.

Imm. 5. Attartortup attartortitsisoq pisariaqartinneqartumik isumaqatigiissuteqarfigeqqaartinnagu inissiaq piffissanngitsukkut qimassanngilaa.

§ 49. Attartortup pissutissaqavinnikkuni attartortitsisoq inissiamik inatsisinik unioqqutitsilluni atuisoqarnerisimut imaluunniit aserfallatsaaliinerup qanoq issusianik paasiniaalluni, iluarsaassisoqassatillugu imaluunniit allanut attartortitsisoqassatillugu inissiamik misissuiniarpat inissiamut isernissaanik itigartissinnaanngilaa.

Imm. 2. Attartortitsisoq sapaatit akunnerinik arfinilinnik siumut ilisimatitsereermigut attartukkami suliassanik aallartitsisinnaavoq, suliat ingerlanneqarnissaat attartortumut annertuumik akornutaassanngippata. Sulianik allanik aallartitsisoqartinnagu attartortoq qaammatinik pingasunik siumut ilisimatitsereertussaavoq. Taamaattorli attartortitsisoq tamatigut suliassanik kinguartinneqarsinnaanngitsunik siumut ilisimatitseqqaarani iluarsaassisinnaavoq.

Imm. 3. Suliat suugaluartulluunniit attartortitsisumit aallartinneqartut unitsinneqaratik attartortumullu sapinngisamik annertunerpaamik mianerinnilluni sularineqartassapput. Attartortitsisoq ingerlaannartumik suliat malitsigisaanik iluarsaassissaaq.

§ 50. Attartortup taassumalu inoqutaasa kiisalu inuit attartortumit attartorneqartumut isersinnaatitaasut illumi torersaarnissamut maleruagassat, ilanngussaq 4-mi taaneqartut maleruassavaat.

Imm. 2. Najugaqatigiiffimmi siulersuisut torersaarnissamut maleruagassanut ilassutaasunik aalajangersaasinnaapput, taakkulu attartortitsisumit akuerineqarnerminni atuutsinneqalissapput.

Imm. 3. Namminersornerullutik Oqartussat kommunellu inissiaataanni attartortittakkani attartortitsisoq allakkatigut akuersissuteqarsimatinnagu qimmeqartoqaqqusaanngilaq aamma qitsuuteqartoqaqqusaanngilaq. Akuersissut taamaallaat ilaqutariinnut ataatsinut illuni illunilu affarleriinni attartortunut, kiisalu attartortunut qimminik tappiitsunut tasikumartakkanik, politiit qimmiinik qimminillu

ikiaroomartunik ujarlertartunik pigisaqartunut tunniunneqarsinnaavoq. Qimmeqarnissamut qitsuuteqarnissamulluunniit akuersissuteqarnermi attartortitsisup qaammagini pingasuni ineqarnermut akiliutip annertoqataanik immikkut sillimanissamut akiliuteqarnissaq piumasarisinnaavaa. Attartortut peqqussutip matuma atuutilernissaata tungaanut maleruagassat malillugit qimmiuteqarsimasut qitsuuteqarsimasulluunniit qimmiminnik qitsuutiminnilluunniit pigisaqaannarnissamut pisinnaatitaapput.

Imm. 4. Attartortup akuersissutip tunniunneqarneranut atatillugu sillimasiinissamut akiliutissaq aningaasannorlugu akilissavaa.

Imm. 5. Attartukkap qimanneranut atatillugu uumasuteqarnerup kingunerisaanik ajoquserneqartut iluarsaannerinut attartortitsisup sillimasiissutit atorsinnaavai.

Kapitali 8

Attartortup attartukkamik atuisinnaaneranik piginnaatitaaffii

§ 51. Attartortitsisup illuutip innaallagissamullu kuuffinnullu atortuisa pisinnaasai atortulersuutitut pisinnaasaat naammangitsut qularnaarsinnaanngippagu attartortoq attartortitsisumut siumoortumik allakkatigut isumaqatigiissuteqarluni nammineq akilikkaminik attartorneqartumi nalinginnaasumik atortulersuisinnaavoq.

§ 52. Attartortut kommunemi najukkamilu pilersaarutit ataqqillugit ataasiakkaarlutik imaluunniit ataatsimoorlutik illumi attartortitsisup innersuussineratigut radiop TV-llu aallakaatitaannik tigooqaanissamut radiomut fjernsynimulluunniit antenniliisinnaatitaapput, taamaattorli tak. imm. 2. Taamatuttaaq attartortut illumi attaveqaammik sukkasuumik nalunaarasuarnermut atugassamik imaluunniit radiop TV-llu aallakaatitaannik isiginnaarnissamut kabelikkut attaviliisinnaatitaapput, najugaqarfimmi TV-mut kabelinut attaviliinissaq periarfissaqarpat.

Imm. 2. Imm. 1 malillugu attartortut pisinnaatitaaffiat atuutissanngilaq, ikkussineq illumut najugaqartuinullu allanut akornutaassasoq attartortitsisup uppersarsinnaappagu. Kiisalu pisinnaatitaaneq atuutissanngilaq attartortitsisup ataatsimoorussamik TV-kkut isiginnaagassanik pilersuina aqqutigalugu imaluunniit attartortut arlaata antenniliussaa ataatsimoorussaasinnaasoq aqqutigalugu attartortut kissaatigisaminnik isiginnaarsinnaappata.

Imm. 3. Attartortut illumi antenneliinnginneranni attartortitsisoq taamaaliornissamut allakkatigut akuersissuteqassaaq, attartortitsisullu tassunga atatillugu piumasarisinnaavaa attartortut allamut nuuttoqarnerani pissusaatut pilersitseqqissasut aamma attartortut atortut peerneqareerpata illumik pissusaatut pilersitseqqinnissamut qulakkeerutaasunik naammaginartunik qularnaveeqqutissanik akiliissasut.

Imm. 4. Immikkut imaluunniit ataatsimut antenniliussat, tak. imm. 1, ingerlanneqarnerat attartortitsisumit susassarineqanngilaq.

§ 53. Attartortoq attartortitsisoq siumut allakkatigut akuersissuteqarteqqaarlugu isumaginninnermi inatsisini aalajangersakkat malillugit atortunik iluaqusersuutit ikkussuisinnaatitaavoq. Attartortitsisup attartortoq attartukkaminik qimatsinermini inissiap pissusiatut pilersitseqqinnissaa aamma kommunalbestyrelsi inissiap pissusaatut pilersitseqqinnermut aningaasartuutit akilerneqarnissaannut

qularnaveeqqusiinissaa piumasaqaatigisinnaavaa. Attartortup attartortitsisoq atortut iluaqusersuutit ikkussuunneqannginneranni kingusinnerpaamik sapaatit akunnerinik arfinilinnik sioqutsilluni ilisimatitsissuteqarfigissavaa.

§ 54. Attartortoq ajoqusikkanut, attartortut ataasiakkaat §§ 51-53 malillugit ikkussuussimasaannik pissuteqartunut taarsiinissamut akisussaavoq. Attartortitsisup piumasarissinnaavaa attartortoq qularnaveeqqusiinikkut allatulluunniit taarsiinissamik piumasaqaatip naammassineqarnissaanut pisariaqartinneqartumik pinngitsoorani qulanaveeqqusiissasoq.

§ 55. Attartortoq attartortitsisumit siumut allaganngorlugu akuersissummik peqqaarluni inissiami silataanilu erseqqissummik aalajangikkanik pitsanngorsaasinnaatitaavoq il.il., allamullu nuunnermini aningaasartuutigisimasami uppersaaserneqartut aningaasannorlugit ajunngitsorsiassanik pisinnaatitaalluni, tak. §§ 56 aamma 57.

Imm. 2. Pitsanngorsaanerit il.il. naammaginaruullutillu naleqquttuussapput, immikkut inuulluarniutitut tunngasuunatik immikkullu nukissiuutinik atuiffiusariaqaratik. Suliarineqartut inissarsiortunut assigiinngitsunut, taamatuttaaq utoqqarnut inunnullu innarluutilinnut, inissiaq inissiatut atorsinnaajunnaarneranik kinguneqassanngilaq. Suliarineqartut attartortitsisumut immikkut ingerlatsinermut aserfallatsaaliinermullu aningaasartuutinik kinguneqassappata, ineqarnermut akiliutit amerlaqataannik qaffanneqassaaq.

Imm. 3. Attartortoq attartortitsisumit akuerineqarani pitsanngorsaasimappat, pitsanngorsaanerup qanoq issusia apeqqutaalluni attartortup attartortitsisumut taarsiisussanngorneranik kinguneqarsinnaavoq.

§ 56. Ajunngitsorsiassat attartortup inissiamik qimatsinerani attartortitsisumit akilerneqassapput. Attartortitsisoq attartortup ajunngitsorsiassaanik attartortup attartortitsisumut pisussaaffiinit ilanngaassisinnaavoq. Ajunngitsorsiassat attartortup pitsanngorsaaneraniit qaammatit 100-t ingerlaneranni assigiimmik annertussusilinnik agguakkamik nalikilliartuaartinneqassapput.

Imm. 2. Attartortumik nutaamik inissiamut, attartortup siulliup pitsanngorsaavigisimasanut il.il. nuuttoqartillugu, attartortitsisup ajunngitsorsiassatut aningaasartuutigisimasani matussutissiiviginiarlugit ineqarnermut akiliut qaffaassavaa. Akiliutip qaffaataa unitsinneqassaaq nalikillisitsiartuaarneq naammassippat, tak. imm. 1.

§ 57. Naalackersuisut attartortup pitsanngorsaavigisinnaasai suliarissinnaasaalu allat, naatsorsuisarneq ajunngitsorsiassanullu akiliisarneq pillugu sukumiinerusunik maleruagassiorsinnaapput.

Imm. 2. Attartortitsisoq §§ 51 aamma 55 naapertorlugit qinnuteqaatinik suliarinninnerminut sullissinermut akiliuteqartoqarnissamik piumasaqarsinnaavoq. Naalackersuisuniit sullissinermut akiliutip annertussusissaa aalajangerneqassaaq. Sullissinermut akiliutissaq qinnuteqaatip tunniunneqarnerani akilerneqassaaq.

Kapitali 9

Atuisinnaatitaanerup allamut nuunneqarnera

§ 58. Attartortup attartornissamik isumaqatigiissut maleruarsimaguniuk, attartortoq inigisaminik qimatsisimagallarnerni inigisaminik qaammatit aqqaneq-marluk tikillugit allamut attartortitsigallarnissamut pisinnaatitaavoq. Allamut attartortisigallarneq qaammatinit pingasunit sivikinnerutinneqarsinnaanngilaq. Attartortup inigisaminik allamut attartortitsigallarnera ukiut tallimat ingerlanerini taamaallaat katillugit qaammatini aqqaneq-marlunni pisinnaavoq, taamaattorli tak. imm. 2.

Imm. 2. Imm. 1-imi piffissamut killiliussaq apeqqutaatinnagu attartortup inigisaminik allamut attartortitsigallarnissaq qinnutigisinnaavaa, attartortup peqannginnissaa peqanngikkallarnerusimappat, aammalu nappaammik, ilinniagaqarnermik, pineqaatissinneqarsimasunut inissiisarfimmiinnermik imaluunniit attartortoq nammineerluni imaluunniit inoqutaasa ilaat nuukkallartitaanerani tamanna pissuteqarpat. Allamut attartortisigallarneq qaammatinit pingasunit sivikinnerutinneqarsinnaanngilaq.

Imm. 3. Attartortitsisup allamut attartortitsigallarnissaq akueriumanngissinnaavaa, 1) inissiaq innersuunneqarsimappat, tak. § 5, imm. 1, nr. 7, 2) inissiami ineqartussat katillutik ininit amerlanerusussaassappata, imaluunniit 3) attartortitsisoq allamut attartortitsigallarnissamut akerliunissamut naammaginartunik pissutissaqarpat.

Imm. 4. Namminersorerullutik Oqartussat kommuunillu inissiaataanni attartortittakkani najugaqartut inigisaminik allamut attartortitsigallarnissamut taarsiullugu pisinnaatitaapput, piffissap peqarfiginngisassamik naanerani inissiamut allamut innersuunneqarnissamut qularnaveeqqusiivigineqarsinnaagunik attartornerminnik unitsitsinissamut, tak. § 5, imm. 1, nr. 3.

Imm. 5. Allamut attartortitsigallarnissap akuerineqarnissaanut piunasaqaataavoq, ineqarnermut akiligassap annerpaamik attartortup ineqarnermut, kiassarnermut, innaallagissamut, imermut il.il. aningaasartuutigisartagaasa amerlaqataannik annertussuseqarnissaa. Immikkut ittunik pissutissaqartillugu, soorlu pequtit attartorallarnermut ilaatinneqassappata akiliutissaq anginerutinneqarsinnaavoq. Attartorallakkamik attartorallartoq attartortitsisumut toqqaannartumik ineqarnermut akiliutissamik akiliisassaaq.

Imm. 6. Attartortoq pisinnaatitaavoq, attartukkaminik attartortikkallatani qularnaveeqqusiissummik akiliisissallugu, attartukkamik attartortikkallarneqartup attartortup pisussaaffiitut sillimmatissanik. Qularnaveeqqusiissut, aallarniut aamma inissiamik attartorallarnermut siuumoortumik akiliutit katillugit annerpaamik qaammatini arfinilinni inigisamik attartornermut akiliutit amerlaqatigissavaat.

Imm. 7. Attartortitsisup attartukkamik attartorallarneq § 75-imi maleruagassat malillugit taamaatitsissinnaavaa.

Imm. 8. Naalackersuisut attartukkamik attartortitsigallarneq ineqarnermullu qularnaveeqqusiissut pillugit maleruagassiorsinnaapput.

§ 59. Attartortut nammineq kissaatigalugu nuunnissamut allatsissinnaapput.

Imm. 2. Attartortut iniminnik paarlaateqatigiinnissartik namminneerlutik isumaqatigiissutigisimappassuk, tamanna nuunnissamik kissaateqartut allattorsimaffiannut allatsinngikkaluarluni pisinnaavoq.

Imm. 3. Attartortut iniminnik paarlaateqatigiinnissamut kissaateqartut tamarmik attartornermut isumaqatigiissutinik maleruaasimanissaat piumasaqaataavoq. Inigisanik paarlaateqatigiinnermi attartornermut ataatsimut 250 kr.-inik sullissinermut akiliisitsisoqartarpoq.

Imm. 4. Attartortut iniminnik paarlaateqatigiissinnaapput:

1) Nuuffimmini attartornerminnik nangitsinissaq isumaqatigiissutigunikku. Aatsaat inissianik paarlaateqatigiittoqarsinnaavoq, attartornerit marluk tamarmik 1. januar 2002-imi kingusinnerusukkulluunniit aallartinneqarsimappata. Attartortut pisinnaatitaaffitik pisussaatitaaffitillu aammalu attartornissamik isumaqatigiissutitik paarlaatisavaat. Attartortut qularnaveeqqutissatut akiligaat assigiinngippata, tamanna attartortitsisumit susassarineqanngilaq. Attartortitsisup attartortut pisinnaatitaaffiminnik pisussaaffiminnillu paarlaannerisa attartortut inatsisitigut inissisimanerinit sunniutissai pillugit ilitersuutissavai.

2) Inissiat paarlaateqatigiinnermi nalinginnaasumik iluarsaanneqarnissaat imaluunniit nalinginnaasumik iluarsaanneqarsimanissaat isumaqatigiissutigunikku. Attartortitsisoq inissianik attartornermut peqqussut sukkulluunniit atuuttoq naapertorlugu attartornissamik isumaqatigiissut nutaaq sanassavaa. Attartortut allakkatigut uppersarsassavaat inissiamut inserternissamut atatillugu attartugassap nutaap nalinginnaasumik iluarsaanneqarnissaa namminneerlutik isumagissinnaallugu. Taamaattumik inissiat taakku nuunnerup nalaani §§ 77-imut aamma 78-mut tunngatillugu nalinginnaasumik iluarsaanneqarsimasutut isigineqassapput.

Imm. 5. Imm. 4, nr. 2 naapertorlugu inissianik paarlaateqatigiinnermi attartortitsisup attartortup attartugassamini nutaami nammineerluni nalinginnaasumik iluarsaassinissamik kissaateqarnera itigartissinnaavaa, nalinginnaasumik iluarsaassinermut kingullermiit ukiut tallimat sinnerlugit qaangiussimappata.

Imm. 6. Imm. 4, nr. 2 naapertorlugu nalinginnaasumik iluarsaassinermut atatillugu inissiat paarlaateqatigiinnermi pineqartut nalinginnaasumik iluarsaassinermut nalaani inigineqarnerat pissutigalugu saniatigut aningaasartuuteqartoqassappat, saniatigut aningaasartuutit attartortumit qimatsisussamit akilerneqassapput.

Imm. 7 Atorfeqarnermut atasumik inissianik attartortut attartortitsisoq akuersiteqqaartinnagu inissianik paarlaasseqatigiissinnaanngilat.

Imm. 8 Namminerisamik kissaateqarluni nuussinaneq aamma inigisamik paarlaaseqatigiissinnaaneq pillugit Naalakkersuisut maleruagassanik erseqqinnerusunik aalajangersaasinnaapput.

§ 60. Attartortup toqunerani aapparisaq qimagaasoq atugassarititaasut atuinnaarlugit attartornermik ingerlatseqqiinnarsinnaatitaavoq. Taamatuttaaq inuk inissiamik attartornermut isumaqatigiissummi atsioqataasimangitsoq, kisiannili sivikinnerpaamik ukiuni marlunni attartortup ataatsimut inoqutaannut peqataasimasooq pisinnaatitaaffeqarpoq, taamaattorli tak. § 63, imm. 3.

Imm. 2. Sulisunut inissiaq, attartortup pisortani sulisitsisuni atorfeqarnini aqutigalugu sulisunut inissiatut innersuunneqarfigisaa matumani pineqarpat, aappaasoq attartornermut atugassarititaasut atorlugit inissiamik innersuussivigineqarnissamik pisinnaatitaaffeqarpoq. Innersuussinissamut piumasaqaataavoq aappaasup nammineerluni pisortani sulisitsisuni atorfeqarnermigut sulisunut inissiamik innersuussivigineqarsinnaatitaannginnissaa, aammalu attartortup aappaasulluunniit sivikinnerpaamik ukiuni marlunni utaqquisut

allattorsimaffianni nalinginnaasumi allaqqasimanissaa. Taamatutaaq pisinnaatitaaffeqarpoq inuk sivikinnerpaamik ukiuni marlunni attartortup ataatsimut inoqutaannut peqataasimasoq, taamaattorli tak. § 63, imm. 2.

Imm. 3. Attartortoq utoqqalinini nappaateqarniluunniit pissutigalugit paaqqinnittarfimmut assigisaanulluunniit nuuppat, imm. 1-2-mi aalajangersarneqartut atorneqassapput.

§ 61. Attartortup averusernerani avinneraniluunniit imaluunniit aappariinneriinnerup atorunnaarsinneqarnerani aappariinni arlaat attartornerup ingerlateqqinnissaanut pisinnaatitaassanersoq aappariit isumaqatigiissutigisinnaavaat. Aappariit isumaqatigiissinnaanngippata aappariinni arlaat attartornerup ingerlateqqinnissanut pisinnaatitaassanersoq akuersissuteqarnikkut imaluunniit eqqartuussinermi aalajangiinikkut aalajangerneqassaaq, taamaattorli tak. § 63, imm. 4.

Imm. 2. Attartortup aappani qimappagu, aappaasup attartorneq ingerlatiinnarsinnaavaa.

Imm. 3. Eqqartuussinermi aalajangiinikkut attartornermik ingerlatitseqqinnissamut pisinnaatitaaffik aalajangiiffigineqarpat, pingaartumik meeqqat sulii inersimasutut oqartussaassuseqalersimanngitsut immikkut pingaartillugit isiginiarneqassapput, averuserneq avinnerluunniit persuttaanermik imaluunniit timikkut allatigut nakuuserfigineqarsimanermik pinerluttulerinermut inatsimmi ilaatinneqartumik peqquteqarnersoq isiginiarneqassalluni.

§ 62. Inuit sivikinnerpaamik ukiuni marlunni ataatsimut inoqutigiissimasut inoqatigiinnerminnik taamaatitsigunik, arlamik sorliup attartorneq ingerlatiinnarsinnaassaneraa isumaqatigiissutigisinnaavaat. Attartortitsisoq isumaqatigiissummut akerliusinnaavoq, attartortitsisoq taamaaliornissamut pingaarutilinnik pissutissaqaruni, taamaattorli tak. § 63, imm. 4.

Imm. 2. Pineqartut akornanni isumaqatigiittoqarsinnaanngippat, taakku arlaat inissiamik attartornerup ingerlateqqinnissaanut pisinnaatitaassanersoq eqqartuussinikkut aalajangiisoqassaaq. Eqqartuussinermi aalajangiinermi pingaartumik meeqqat sulii inersimasutut oqartussaassuseqalersimanngitsut immikkut pingaartillugit isiginiarneqassapput, kiisalu aamma averuserneq avinnerluunniit persuttaanermik imaluunniit timikkut allatigut nakuuserfigineqarsimanermik pinerluttulerinermut inatsimmi ilaatinneqartumik peqquteqarnersoq isiginiarneqassalluni.

§ 63. Attartortup pisinnaatitaaffiit, §§ 58-62 naapertorlugu attartortumut allanulluunniit pisinnaatitaaffiliunneqartut taamaatissinnaanngilai, taamaattorli tak. imm. 2-4.

Imm. 2. Inissiaq sulisunut inissiaappat atorfimmut aalajangersimasumut atugassanngortitaasoq § 60, imm. 2-mi aalajangersakkat atuutissanngillat. Tassunga taarsiullugu inissiamik allamik innersuussisoqarsinnaavoq, tak. § 5, imm. 1, nr. 4.

Imm. 3. § 60, imm. 1-mi aalajangersakkat inissianut innarluutilinnut inissiatut immikkut aqqissukkanut atugassanngortinneqarsimasunullu atuutinngillat. Tassunga taarsiullugu inissiamik allamik innersuussisoqarsinnaavoq, tak. § 5, imm. 1, nr. 5.

Imm. 4. Inissiaq atorfeqartitaanermut atatillugu atugassanngortitaasimappat imaluunniit innarluutilinnut inissiatut innersuussaasimappat, tamatumani pissutsit

immikkut ittut pineqanngippata §§ 61-imi aamma 62-mi aalajangersakkat atuutissanngillat.

Kapitali 10

Attartornermik taamaatitsineq

§ 64. Attartortup inissiamik attartornermut isumaqatigiisummi § 69, imm. 2-mi siumut ilisimatitsinissamut piumasarisasaasut malillugit attartornini atorunnaarsissinnaavaa. Taamaattorli attartortup apparisani akuersiteqqaarnagu ilaqutariit inigisaannik attartorneq imaluunniit apparii apparisalluunniit suliffeqarfianut atatillugu attartorneq atorunnaarsissinnaanngilaa. Attartortup taamaatitsinera allakkatigut nalunaarutigineqassaaq.

§ 65. Sulisunut inissiamik attartorneq atorfeqarnerup unitsinneqarnerani atuukkunnaassaaq tamatumunngalu atatillugu qimanneqassalluni.
Imm. 2. Atorfilik pisussaavoq inissiamik taamaatitsinissani allakkatigut nalunaarutigissallugu. Atorfillip akiligassat ingerlaavartut attartukkamut attuumassuteqartut, taamaatitsinissamut siumoortumik nalunaarfissatut piffissarititaasup nalinginnaasup naanissaata tungaanut akiligassarai, taamaattorli tak. § 70, imm. 3.

§ 66. Attartortitsisup attartornerit imaattut allakkatigut atorunnaarsittassavai:
1) Ineeqqat, attartortitsisup inigisaani inissiap ilaaniittut, imaluunniit ilaqutariinnut ataatsinut illuni illuniluunniit affarleriinni attartortitsisup najugarisaata ilaaniittut.
2) Illumi najugaqarfittut inissiat, piffissami atorunnaarsitsiviusumi najugaqarfittut inissiat marluinnaatillugit, aappaanilu piginnittoq najugaqartillugu.

§ 67. § 66-imi taaneqartut saniatigut attartornerni allani attartortitsisoq taamaallaat atorunnaarsitsisinnaavoq:

- 1) Attartortitsisup attartortitamini nammineerluni najugaqalivinniarluni nalunaarutigippagu, imaluunniit attartortitsisoq pingaarutilinnik tunngaveqarluni attartornermik atorunnaarsitsinissamut immikkut pissutissaqartitsippat, aammalu atorunnaarsitsiniarluni nalunaaruteqarneq illuatungeriinnut tunngasut nalilerneqarnerat aallaavigalugu naammaginartutut isigineqarsinnaappat.
- 2) Attartortitsisup illumik iluarsaassinisaaq isaterinissarlunniit peqquataalluni attartorneqartoq qimanneqartariaqartoq uppersarpagu.
- 3) Attartortoq illup ingerlanneqarnerani suliaqartussatut atorfeqartitaasimappat, inissiarlu attartortitseqqinnermi atorfimmit taartaasumut atorneqassappat.
- 4) Attartortoq attartortitsisumit allakkatigut mianersoqqussutinik tunneqartalarluni pissuserisassanik malinninngippat, imaluunniit pissusilersornera illumut ineqartunulluunniit allanut akornutaappat, pissutsilli imaanngippata attartortitsisup attartornermik isumaqatigiisut atorunnaarsisinnaallugu. Attartortoq allakkatigut mianersoqqussutinik inassutinilluunniit pingasunik qaammatit tullerit aqqaneq marluk iluanni tiguisimasussaavoq.

§ 68. Namminersornerullutik Oqartussat imaluunniit kommunep inissiamik attartukkamik nutarterinissaq isaterinissarlunniit pissutigalugu attartorneq atorunnaarsissappagu, tak. § 67, nr. 2, attartortoq inissiamik taartissamik innersuussivigineqassaaq, tak. § 5, imm. 1, nr. 1. Inissiamik taartissamik innersuussisussaataaneq taamaallaat atuutissaaq, attaartortup attartornermut isumaqatigiisummi Namminersornerullutik Oqartussanit kommunemilluunniit attartornermik atorunnaarsitsinerup nalaani attartornissamik isumaqatigiisummik attartortoq eqqortitsisimappat.

Imm. 2. Attartortut iluarsaassinerup kingunerisaanik inissiamik taartissamik innersuu-ssivigineqartut iluarsaassinerup naammassereerneratigut illuni iluarsanneqarsimasuni inissiamik innersuussivigineqarnissamut salliutinneqartussaataapput, attartortullu isaterinerup kingunerisaanik inissiamik taartissamik innersuussivigineqartut illunut isatikkanut taartissatut inissiaqarfimmi sananeqartunut inissiamik innersuussivigineqarnissamut salliutinneqartussaataallutik.

Imm. 3. Salliutinneqartussaataaneq taamaallaat atuutissaaq attartortup inissiami taartissatut innersuussivigineqartumi attartornermut isumaqatigiisut eqqortissimappagu, aammalu attartortup inissiamik innersuussivigineqarnissamut piunasaqaatit allat naammassisimappagit. Attartortitsisup pissutsit annertuumik pingaaruteqanngitsut, imaluunniit attartortumit piffissami iluarsaassinissaq isaterinissarlunniit pissutigalugit attartornermik attartorunnaarsitsinissamik nalunaaruteqarfiup nalaani aqqinneqarsimasut pissutiginiarsinnaanngilai.

Imm. 4. Attartortup attartukkani qimassappagu, tak. imm. 1, attartortitsisup attartortoq taarsiissuteqarfigissavaa, inissiamut ataatsimut tunngaviusumik 1.200 kr.-inik amerlassuseqartunik, ininut najugaqarfiusunut tamanut immikkut 1.000 kr.-inik ilassusikkanik. Attartortitsisup attartortoq iluarsaassinerup naammassinerani attartortup inigisaminut uterneranut atatillugu imaluunniit isaterinerup kingorna nutaamik sanaqqiinermi illuummut nutaamut attartulerneranut atatillugu taamatorpiaq taarsiissuteqarfigissavaa, tamatumunngali piunasaqaataavoq attartortup attartornissamik isumaqatigiisummik eqqortitsisimanissaa.

Imm. 5. Imm. 4-mut atatillugu aningaasartuutit illuummi iluarsaassinissamut isaterinissamulluunniit aningaasaliissutit aqutugalugit akilerneqassapput.

§ 69. § 67 naapertorlugu attartortitsisup atorunnaarsitsiniarnera allakkatigut nalunaarutigineqassaaq, aammalu attartortup imm. 2 naapertorlugu akerliliissuteqarsinnaaneranut paasissutissanik imaqaassalluni. Aammattaaq atorunnaarsitsissut atorunnaarsitsinerumut tunngaviusoq pillugu paasissutissanik imaqaassaaq.

Imm. 2. Attartortup atorunnaarsitsissut akueriumanngikkuniuk, attartortoq atorunnaarsitsissutip tигuneraniit sapaatit akunneri arfinillit qaangiutsinnagit allakkatigut akerliliissuteqassaaq. Attartortitsisup atorunnaarsitsissut atuutsinnarniarlugu kissaatiguniuk, attartortitsisoq sapaatit akunneri allat arfinillit qaangiutsinnagit eqqartuussivimmi suliaassanngortitsissaaq. § 67, nr. 2 aamma 3 naapertorlugit Namminersornerullutik Oqartussat kommunellu inissiaataanni attartortittakkani attartornermik atorunnaarsitsinerumut akerliliissut kinguartitsigallarnermik kinguneqarsinnaanngilaq.

§ 70. Attartortitsisumit atorunnaarsitsisoqassaaq sivikinnerpaamik qaammatinik pingasunik siumut ilisimatitsereernikkut, qaammatip naanerani atuuttussanngorlugu, taamaattorli matumani ineeqqanik attartortitsineq pineqarpat qaammammik ataasiinnarmik siumut ilimatitsinikkut atorunnaarsitsisoqarsinnaavoq, tak. § 66, nr. 1. *Imm. 2.* Attartortup tungaaniit atorunnaarsitsiniarneq allakkatigut sivikinnerpaamik qaammammik ataatsimik siumut ilimatitsereernikkut, qaammatip naanerani atuuttussamik pissaaq. Taamaattorli inisiamik namminersortumit pigisamik attartortitsisup attartortullu isumaqatigiissutigisinnaavaat, attartortup tungaaniit atorunnaarsitsiniarneq allakkatigut sivikinnerpaamik qaammatinik pingasunik siumut ilisimatitsereernikkut, qaammatip naanerani atuuttussamik pissasoq. Piumasaqaat atuutissaguni attartornissamik isumaqatigiissummi immikkut ittumik erseqqissarneqassaaq.

Imm. 3. Attartortoq piffissaq ilisimatitsissutaasoq suli naanngitsoq inissiamiit nuuppat, attartortitsisup attartukkap allamut attartorteqqinnissaa anguniassavaa. Attartortitsisup allamut attartortitsinermini isertitai isertitassaraluiluunniit attartortumut piumasaqaatigisaanit ilanngaatigineqassapput.

§ 71. Attartornermut isumaqatigiissut piffissamut aalajangersimasumut atuuttussanngortitaasimappat, piffissap attartornissamut isumaqatigiissuteqarfiusup naanerani siumut ilisimatitsinertaqanngitsumik attartorneq unitsinneqassaaq. Attartornermut isumaqatigiissut piffissamut aalajangersimasumut atuuttussanngortitaasoq piffissap attartorfiusup ingerlanerani atorunnaarsinneqarsinnaanngilaq, tamatumani attartornermut isumaqatigiissutip atorunnaarsinneqarsinnaanera allaganngorlugu isumaqatigiissutigineqarsimanngippat.

Imm. 2. Imm. 1-imi aalajangersarneqartut apeqqutaatinnagit attartortup attartornissamut isumaqatigiissut kapitali 11-mi aalajangersakkat malillugit atorunnaarsissinnaavaa, pissutsit attartortumut assuarliutigineqarsinnaasut annertuumik pingaaruteqarpata.

Imm. 3. Attartortup attartortitsisup ilisimasaanik attartornerup piffissamut aalajangersimasumut atuuttussanngortitaasup naareernerani attartukkani atuinnaarpagu, attartorneq attartornermut nalinginnaasumut piffissamut aalajangigaanngitsumut ingerlaannartumik nuussaaq, inatsisitigut sunniutissai tassunga attuumassutillit atuutsilerlutittaaq.

§ 72. §§ 67 – 71-imi maleruagassat attartortumut ajoqutaasumik isumaqatigiissuteqarnikkut sanioqqunneqarsinnaanngillat.

Kapitali 11

*Attartortitsisup attartornermut isumaqatigiissummik
atorunnaarsitsisinnaatitaanerani pisinnaatitaaffik*

§ 73. Pisortaniit attartortitsisup attartornermut, imermut, kiassanermut imaluunniit qularnaveequsiissutissamut akiliutissanut akiliinngitsoornerup kingunerisaanik attartornissamik isumaqatigiissut atorunnaarsissinnaavaa, tak. §§ 37, imm. 1, 38, imm. 1, aamma 74, imm. 1. Inissiani attartortittakkani namminersortunit pigisani

attartortitsisup pissutissat ataani taaneqartut kingunerisaannik attartornissamik isumaqatigiissut atorunnaarsissinnaavaa.

Imm. 2. Attartortitsisup attartornissamik isumaqatigiissut atorunnaarsissinnaavaa imatut pisoqartillugu:

- 1) Inissiaq unioqqutitsilluni atorneqarpat, tak. § 48, imm. 2 aamma 3.
- 2) Inissiaq piffissaanngitsukkut qimanneqarpat, tak. § 48, imm. 5.
- 3) Unioqqutitsilluni attartortitsisoq inissiamut iseqqusaanngippat, tak. § 49, imm. 1.
- 4) Torersaarnissamut maleruagassat unioqqutinneqarpata, tak. § 50.

Imm. 3. Attartortitsisup aatsaat attartorneq atorunnaarsissinnaavaa, pissutsit attartortumut assuarliutaasut annertuumik pingaaruteqarpata. Attartortitsisup attartornermik atorunnaarsitsinnginnermini attartortoq pissutsinik aaqeeqqullugu peqqussavaa, attartortitsisullu attartornissamik isumaqatigiissummik atorunnaarsitsinnginnerani pissutsit imm. 1-imi aamma imm. 2, nr. 1-4-mi taaneqartut aaqinneqarsimappata attartortitsisup taakku tunggaviginiarsinnaanngilai.

§ 74. Pisortaniit attartortitsisup kingusinaartumik akiliisoqartillugu attartornermik isumaqatigiissut atorunnaarsissaavaa, tak. § 73, imm. 1, attartortup tamanna pillugu piunasaqaatip allakkatigut attartortumut takkunnerata kingorna kingusinnerpaamik ulluinnaat pingasut qaangiunneranni akiligassanut kinguaattoorutit iluarsisimanngippagit. Attartortitsisup akileeqqusissutaa ullup piffissaq eqqorlugu akiliiffissap kingulliup kingornatigut tunniunneqassaaq, tassanilu paatsuugassaanngitsumik allassimassaaq, attartornermut akiliutissanut kinguaattoorutit piffissamik killiliussap naannginnerani akilerneqanngippata attartortitsineq atorunnaarsinneqassasoq.

Imm. 2. Namminersortut inissiaatinik attartortitsisup kingusinaartumik akiliisoqartillugu attartornermik isumaqatigiissut atorunnaarsissinnaavaa, tak. § 73, imm. 1, attartortup tamanna pillugu piunasaqaatip allakkatigut attartortumut takkunnerata kingorna kingusinnerpaamik ulluinnaat pingasut qaangiunneranni akiligassanut kinguaattoorutit iluarsisimanngippagit. Attartortitsisup akileeqqusissutaa ullup piffissaq eqqorlugu akiliiffissap kingulliup kingornatigut tunniunneqassaaq, tassanilu paatsuugassaanngitsumik allassimassaaq, attartornermut akiliutissanut kinguaattoorutit piffissamik killiliussap naannginnerani akilerneqanngippata attartortitsineq atorunnaarsinneqassasoq.

Imm. 3. Attartortitsisoq akileeqqusissummumut sullissinermut akiliutitut annerpaamik 150 kr.-inik akileeqqusisinnaavoq.

Imm. 4. Attartortitsisup attartornissamik isumaqatigiissut atorunnaarsissimappagu, attartortitsisoq atorunnaarsitsinermik atorunnaarsitsinermut annerpaamik 150 kr.-inik sullissinermut akileeqqusisinnaavoq.

§ 75. Attartortitsisup attartortitsineq erngerluni atuutilersussamik atorunnaarsissinnaavaa, attartortoq illumut, attartortitsisumut, taassuma atorfeqartitaannut, illumi attartortunut allanut inatsisit malillugit eqqortumik illumiiittunut annertuumik ajoqutaasumik pissusilersorpat, taamatuttaaq:

- 1) Attartortoq inunnut pineqartunut nakuuserpat imaluunniit persuttaanissamik siorasaarippat.
- 2) Attartortup pissusilersornera illumut imaluunniit inunnut pineqartunut ulorianartorsiortitsisinnaappat, matumani ilanngullugit sakkunik atuisimappat

imaluunniit attartorneqartumi atortunik ulorianartunik uninngatitaqarpat.

Imm. 2. Attartortitsineq atorunnaarsinneqarsinnaavoq, tamatumani pissusilersornerit imm. 1-imi taaneqartut attartortumit namminermit, attartortup inoqutaanit allanilluunnit attartortup attartukkamut isersinnaatitaanit piliarineqarnerisut apeqqutaatinnagu, tak. § 58.

§ 76. Pissutsit §§ 73-imi aamma 75-imi taaneqartut p̄ksutaallutik attartorneq atorunnaarsinneqarpat, attartortoq pisussaavoq erngerluni attartukkaminit anissalluni, aammalu ineqarnermut akiliut, aammalu attartortup inissiamiit nuunnissaanut siumut nalunaarfissap nalinginnaasup naanissaata tungaanut attartukkamut akiligassat allat akilissallugit. Kiisalu attartortoq pisussaavoq sumiginnaanerup kingunerisaanik attartortitsisup annaasai taarsissallugit, matumani ilanngullugit attartukkamit anisitsinermut aningaasartuutit.

Imm. 2. Attartortitsisup attartukkap allamut attartorteqqinnissaa anguniassavaa. Attartortitsisup allamut attartortitsinermini isertitai piffissamiluunniit imm. 1-imi taaneqartumi isertitassaralui attartortumut piumasaqaatigisaanit ilanngaatigineqassapput.

Imm. 3. Naalackersuisut Namminersornerullutik Oqartussat kommunellu inissiaataanni attartortittakkani attartornermik atorunnaarsitsisarneq pillugu maleruagassiussapput.

Kapitali 12

Attartortup inigisaq qimallugu nuunna

§ 77. Inissiamit anisoqarnerani inissiaq nalinginnaasumik iluarsaanneqassaaq, tassanilu pineqarput qilaavinik qaqorsarlugit qalipaaneq, iiganik qalipaaneq aamma/imaluunniit ungalitsersuineq kiisalu eqqiaaneq. Natii nutaamik lakkersimasutut isikkoqassapput, taamaattorli tak. imm. 3.

Imm. 2. Attartortup nammineerluni nuunnerminut atatillugu nalinginnaasumik iluarsaassinissani kissaatigippagu, iluarsaassineq assasornermik ilinniagaqarsimasutut illersorneqarsinnaasumik pitsaassuseqartillugu suliarineqassaaq. Attartornermik unitsitsinissaq imaluunnit atorunnaarsitsinissaq naapertorlugu inissiap qimanneqarnissaa, inissiap takuniarneqarnissaa sioqqullugu suliaq naammassereersimassaaq, tak. § 79.

Imm. 3. Attartortup inissiamut iserternerani inissiaq nalinginnaasumik iluarsaanneqarsimanngippat, attartortup inissiaq iserternermini pissuserisaatut itsillugu tunniutissavaa.

Imm. 4. Attartortitsisup imm. 1-imi aamma 2-mi aalajangersakkat sanioqqussinnaavai, attartornerup atorunnaarnerata nutaamillu aallartitsinerup kingorna inissiap iluarsaanneqarnissaa annertuunik ajornartorsiutitaqarpat. Attartornerup atorunnaarnerani tamatumunnga taarsiullugu attartortoq inissiamik attartornerup nalaani nungullarnernut naleqquttumik annertussusilinnik akiliuteqassaaq. Akiliutissaq qaammammut ataatsimut inimut ataatsimut 50 kr.-inik annertussuseqarpoq. Attartortitsisup nalinginnaasumik iluarsaassinermut aningaasartuutit attartortup inissiamik tigusineraniit qaammatit 100-t ingerlanerini tiguartuaassavai.

Imm. 5. Naalakkersuisut inissiamit aninermi nalinginnaasumik iluarsaassisarneq aamma attartortup tamatumunnga atatillugu aningaasartuutigisaanut ajunngitsorsiassaqartarneq pillugu maleruagassiorsinnaapput.

§ 78. Attartortitsisup § 77 malillugu nalinginnaasumik iluarsaassinermut aningaasartuutit attartortup inissiamik tiguserneraniit qaammatit 100-t ingerlanerini tigujartuaassavai. Piffissaliussatut aalajangiunneqartup naannginnerani inissiamit anisoqarnerani attartortup taamaallaat aningaasat piffissami tassani attartortitsinerup atorunnaarfigisaani attartortitsisumit akilerneqartussanngorsimangitsut akilissavai.

§ 79. Attartortitsineq atorunnaarsinneqartussanngorsimappat imaluunniit inissiaq allamik pissuteqartumik qimanneqartussanngorsimappat attartortitsisup attartortullu piffissaq qimatsivissaq inissiamillu misissuisoqarnissaa allaganngorlugu isumaqatigiissutigissavaat. Attartortoq immikkut ilisimasalimmik ilaqlarluni misissuinerup peqataanissamut pisinnaatitaavoq. Attartortitsisup sivikinnerpaamik ullunik arfineq-marlunnik siumut ilisimatitsinermigut attartortoq misissuinerup peqataaqullugu noqqaaffigissavaa.

Imm. 2. Misissuinerup attartortitsisoq misissuisimanermut nalunaarusiussaaq, tassanilu amigaataasinnaasut paarinerlutallu attartortitsisup isumaa malillugu attartortup akisussaaffigissasai allassimassapput. Attartortoq taakkununnga isumaqataannigippat, tamanna attartortup isumai taallugit nalunaarusiami allanneqassapput. Nalunaarusiaq misissuinerup atatillugu illuatungeriinnit atsiorneqassaaq. Attartortoq taannaluunniit sinnerlugu takkuttooq misissuinerup nalunaarusiap assinganik tunineqassaaq. Tamatuma kingorna attartortup tamanna piumasariippagu, pissutissaqanngitsumik uninnganertaqanngitsumik suliassat attartortitsisup isumaa malillugu attartortumit akilerneqartussanut suliassat qanoq akeqarnissaanik missingersuummik allakkatigut nalunaarfigineqassaaq.

Imm. 3. Attartortup inissiamik qimatsinissani kingusernerpaamik ullunik arfineq-pingasunik sioqqullugu najugaq nalunaarutit nassiunneqartarfissaat nalunaarutigissavaa.

§ 80. Attartortoq taassumaluunniit piginnaatitaa misissuinerup takkutinnigippat, attartortitsisoq pisinnaatitaavoq nalunaarusiaq tunngavigissallugu attartortullu qularnaveeqqusiissutaasa nalinginnaasumik iluarsaassinermut aningaasartuutissanut, tak. §§ 77, imm. 2 aamma 78, matussutigineqarnissannut aamma attartornermik isumaqatigiissut naapertorlugu attartortup pisussaaffiitut matussutigineqarnissannut atussallugit.

Imm. 2. Attartortitsisup amigaatit misissuinerup nalaanni pissusissaatut malugineqarsinnaasimagaluit piumasaaqatigisinnaanngilai, tamatumani attartortoq peqquserlulluni iliuuseqarsimangippat.

Imm. 3. Attartortitsisoq inissiami qimanneqartumi paarsinerluttoqarsimaneranik aserorterisoqarsimaneranilluunniit uparuaasimappat, pissutsit annertussusiilu immikkoortillugit uppersaaserneqassapput.

Kapitali 13

Nakkutilliineq

§ 81. Namminersornerullutik Oqartussat kommuuniluunniit inissianik allaffissornikkut aqutsisussamik avataaniit pissarsisimappat, inissianik allaffissornikkut aqutsisup suliani Inatsisartut peqqussutaat manna aalajangersakkallu peqqussut manna naapertorlugu suliarineqartut naapertorlugit suliarinerai, aammalu ukiut tamaasa suliani pillugit nalunaarusiortarnersoq alaatsinaassavaat.

Imm. 2. Kommune nammineerluni inissiatiminik isumaginnittuuguni, kommunep suliani Inatsisartut peqqussutaat manna aalajangersakkallu peqqussut manna naapertorlugu suliarineqartut naapertorlugit isumagissavai.

Imm. 3. Namminersornerullutik Oqartussat kommuneluunniit nakkutilliusaataitanini, tak. imm. 1, naammassiniarlugu inissianik allaffissornikkut aqutsisup kukkunersiuisua inissianik allaffissornikkut aqutsisup suliani Inatsisartut peqqussutaat manna aalajangersakkallu peqqussut manna naapertorlugu suliarineqartut naapertorlugit suliarinerai nalunaarusiortissinnaavaa.

Imm. 4. Kommunep inissiatiminik nammineq allaffissornikkut aqutsisup ukiumoortumik suliaasat allaffeqarfimmiit Inatsisartut peqqussutaat manna aalajangersakkallu peqqussut manna naapertorlugu suliarineqartut naapertorlugit isumagineqarnerat pillugu kukkunersiuisuni nalunaarusiortissavaa.

Imm. 5. Namminersornerullutik Oqartussat kommuneluunniit ukiut tamaasa pisariaqanngitsumik kinguartiterinani nalunaarutit imm. 1-imi, 3-mi imaluunniit 4-mi taaneqartut Naalackersuisunut nassiuttassavai.

Imm. 6. Naalackersuisut Namminersornerullutik Oqartussat kommunellu inissiaataat attartortittakkat najugaqatigiiffillu nakkutigineqarnerat, matumani ilanngullugit inissianik piginnittup imaluunniit aqutsisup aningaasaatinik ingerlatsinera, missingersuusiortarnera, naatsorsuutinik saqqummiisarnera kukkunersiuisoqarneralu, pillugu maleruagassiorsinnaapput.

Kapitali 14

Ineqarneq pillugu maalaaruteqartarfik

§ 82. Namminersornerullutik Oqartussat kommunellu inissiaataanni attartortittakkani attartortut attartortitsisullu akornanni aqqiagiinngissutit, tak. § 84, suliarineqarnissaannut Naalackersuisut ineqarneq pillugu maalaaruteqartarfimmik pilersitsisinnaapput, taannalu siulittaasoqassaaq maalaaruteqartarfimmilu pingasunik nalinginnaasunik ilaasortaqaassalluni.

Imm. 2. Siulittaasoq taassumalu sinniisissaa Naalackersuisup ineqarneq pillugu suliaasaqarfimmut akisussaasuusup innersuussuteqarneratigut Naalackersuisunit toqqarneqassapput, taakkulu marluullutik ineqarnermi pissutsinut immikkut ilisimasaqassapput imaluunniit inatsisilerituutut soraarummeersimassallutik. Maalaaruteqartarfimmut ilaasortaqaq ataaseq taassumalu sinniisissaa A/S Inissiatileqatigiiffik INI-p innersuussuteqarneratigut Naalackersuisunit toqqarneqassapput. Maalaaruteqartarfimmut ilaasortaqaq ataaseq taassumalu sinniisissaa KANUKOKA-p inassuteqarneratigut Naalackersuisunit toqqarneqassapput, aammalu maalaaruteqartarfimmut ilaasortaqaq ataaseq taassumalu sinniisissaa Ineqartut Peqatigiiffiisa Kattuffiata IPK-p inassuteqarneratigut Naalackersuisunit toqqarneqassallutik, taamaattorli tak. imm. 6.

Maalaaruteqartarfimmut ilaasortat pingasut nalinginnaasut taakkulu sinniisissaat ineqarneq pillugu sulianut tunngasunik ilisimasaqassapput.

Imm. 3. Siulittaasumik, ilaasortanik sinniisissanillu toqqaaneq ukiut sisamat tikillugit atuuttassaaq.

Imm. 4. Siulittaasooq sinniisissaaluunniit piginnittut kattuffiannut, inissiaatileqatigiit kattuffiannut imaluunniit attartortut kattuffiannut immikkut attuumassuteqartuussanngilaq, imaluunniit inuussutissarsiutigalugu illuutinik nioqquteqarnermut akuliusimasuussanani.

Imm. 5. Maalaaruteqartarfimmut ilaasortaq sinniisussaaluunniit pissusissamisoortumik aggersarneqareernermini maalaaruteqartarfimmut aggernissamut pisussaataavoq. Naalakkersuisut ineqaneq pillugu maalaaruteqartarfimmi ataatsimiinnissamut takutinngitsoornerup kingunerisassai pillugit sukumiinerusunik maleruagassiorsinnaapput.

Imm. 6. IPK maalaaruteqartarfimmut ilaasortassamik toqqaanngippat, maalaaruteqartarfimmut ilaasortassamik innersuussisinnaatitaaneq kattuffinnut ukununnga, taaneqartut tullerriaarneri malillugit tutsinneqassaaq: SIK, IMAK aamma PPK.

§ 83. Naalakkersuisut maalaaruteqartarfiup atortussatut pisariaqartitaannik atugassiissapput, aammalu pisariaqartitsinikkut allaffeqarfimmiit ikiorneqarnissaat isumagissallugu.

Imm. 2. Maalaaruteqartarfiup sulineranut aningaasartuutit Naalakkersuisunit akilerneqartassapput, matumani ilanngullugit siulittaasup ilaasortallu suliaminnut atatillugu akiliussigallarnerannut aningaasartuutit, tak. imm. 5, kiisalu allaffissornermut il.il. aningaasartuutit. Ineqarneq pillugu maalaaruteqartarfimmi ilaasortat Inatsisartunut, Naalakkersuisunut il.il. ilaasortat akissarsiaqartitaanerit pillugu Inatsisartut inatsisaanni maleruagassat naapertorlugit akissarsiaqartinneqassapput, ullormusiaqartinneqarlutik angalanermilu aningaasartuutinut ajunngitsorsiassaqartinneqassallutik. Aningaasartuutit taakku ukiumoortumik Nunap Karsianit tapiissutigineqartut iluanniit akilerneqartassapput.

Imm. 3. Maalaaruteqartarfik oqarasuaatit atorlugit ataatsimiissinnaavoq, maalaaruteqartarfimmi ilaasortat tamarmik illoqarfimmi, maalaaruteqartarfiup allattoqarfeqarfigisaani najugaqanngippata.

Imm. 4. Ineqarneq pillugu maalaaruteqartarfik ukiumoortumik nalunaarummik saqqummersitsisassaaq, ilaatigut suliassat takkuttut suliallu naammassineqartut kisitsisitigut takussutissanik, kiisalu aalajangiisarnerit ataasiakkaat inernerinik naatsunngorlugit saqqummiunneqarnerinik imaqartunik.

Imm. 5. Aningaasartuutinut imm. 2-mi taaneqartunut matussutissatut, Naalakkersuisut attartortitsisoq peqqusinnaavaat ukiumoortumik ineqarnermut akiliutit aqutigalugit akiliutissat attartortunut ataasiakkaanut akilerseqqullugit akileqqullugillu. Attartortitsisup akiliutissat ukiumi akiliiffiusussami kingusinnerpaamik januaarip ulluissa 31-anni Naalakkersuisunut akilissavai. Akiliutissaq piffissaq eqqorlugu akilerneqanngippat, Naalakkersuisut missingiillutik pisassanik attartortitsisumut ilanngaateqartassapput. Akiliutissat 100 kr.-inik annertussusilerneqartut ukiumoortumik Inatsisartut aningaasanut inatsisaanni oqaasertaliussinikkut allanngortinneqarsinnaapput.

Imm. 6. Naalakkersuisut maalaaruteqartarfiup suliiai, matumani ilanngullugit

ataatsimiittarnerit akuttussusissaat suleriaasissarlu pillugit sukumiinerusunik maleruagassiorsinnaapput.

§ 84. Ineqarneq pillugu maalaaruteqartarfiup suliat aalajangiiffigisinnaasai tassaapput:

- 1) Ineqarnermut akiliutininik qaffaanissamik siumoortumik ilisimatitsisarneq, tak. § 28, imm. 2.
- 2) Aserfallatsaaliuineq iluarsaassinerlu, tak. § 45.
- 3) Inissiap iserterfigineqarnerani pitsaassusaa, tak. § 47.
- 4) Attartukkami atortut ikkussukat pitsanngorsaanerillu (atuisinnaatitaaneq), tak. §§ 51 aamma 55.
- 5) Attartortup attartukkaminik atuinera (torersaarnissamik malittarisassanik unioqqutisisinerit), tak. § 50.
- 6) Atuisinnaatitaanerup allanut tunniunneqarnera (inissianik paarlaaseatigiinneq, attartukkamik allanut attartortitsigallarneq aamma attartornermik nangitsineq), tak. §§ 58-62.
- 7) Inissiamit aninermi inissiap pitsaassusaa (iluarsaassineq nalinginnaasoq), tak. § 77.

Imm. 2. Maalaarutit ineqarneq pillugu maalaaruteqartarfimmut allaganngorlugit tunniunneqartassapput, aammalu maalaaruteqartup maalaaruteqartarfiup isummernissaanut kissaataanik erseqqissaassummik imaqassalluni. Maalaaruteqartup pissutsinut suliaritikkusutaanut uppennarsaatissat pisariaqartinneqartut maalaarummut ilanngunneqassapput.

Imm. 3. Suliassanik tunniussinermi suliamut ataatsimut 500 kr.-inik sullissinermut akiliuteqartitsisoqartassaaq. Maalaaruteqartoq maalaarutiminut tamakkiisumik ilaannaakuusumilluunniit taparserneqarpat aningaasat maalaaruteqartumut utertinneqassapput.

§ 85. Maalaarut § 84-imi piumasagaatinut naapertuunnersoq, taamaalillunilu suliarisassanngortinneqavissanersooq ineqarneq pillugu maalaaruteqartarfiup allattoqarfiata aalajangissavaa. Maalaarummik itigartitsineq allaffissornikkut aqutsinermi pisortanut oqartussaasunut allanut suliasanngorteqqinneqarsinnaanngilaq.

Imm. 2. *Ineqarneq pillugu maalaaruteqartarfiup* allattoqarfiata siulittaasuatalu maalaaruteqartarfiup ataatsimiinnerani suliasat suliarineqartussat piareersartassavaat. Suliassaq aalajangersimasooq erseqqinnerusumik misissorneqassanersooq imaluunniit qulaajaaffigineqassanersooq siulittaasup aalajangiiffigisinnaavaa. Siulittaasooq suliasanik inassuteqaatitalinnik maalaaruteqartarfimmi saqqummiussisassaaq.

Imm. 3. Suliap suliarisassanngortinneqavilluni ilanngunneqarnerannit kingusinnerpaamik sapaatit akunnerisa marluk qaangiunnerini maalaaruteqartarfiup allattoqarfiata suliame illuatungiliuttoq suliakkiissuteqarneq pillugu ilisimatissavaa, tassanilu sapaatit akunneri pingasut qaangiutsinnagit illuatungiliuttup suliamut isummaminik saqqummiussisinaanera allanneqassaaq. Piffissamut killissarititaasooq tamanna maalaaruteqartarfiup sivitsorsinnaavaa, tamatumani immikkut ittunik pissutissaqartoqarpat.

Imm. 4. Maalaaruteqartarfiup allattoqarfianiit suliamik saqqummiussineq inassuteqarnerlu tunngavigalugit siulittaasooq aalajangiissaaq, suliame

aalajangersimasumi inassuteqaateqarnissamut atatillugu misissugassat sukumiisut suut ingerlanneqassanersut. Siulittaasup suliami ilaasunut, pisortani oqartussaasunit aamma namminersortunit inuinnarnit paasissutissanik tunniussinissaq piumasarisinnaavaa.

Imm. 5. Allattoqarfik siulittaasup suliami ilaasunut allanulluunniit apeqqutigisaanut akissuteqarnissamut piffissamik killiliissaaq, tamatumanilu nalinginnaasumik sapaatit akunneri pingasut qaangerneqarsinnaanngillat. Piffissamut killissarititaasooq tamanna maalaaruteqartarfiup sivitsorsinnaavaa, tamatumani immikkut ittunik pissutissaqartoqarpat.

Imm. 6. Siulittaasooq maalaaruteqartarfiup allattoqarfianit ikiorneqarluni namminerisaminik misissuisinnaavoq. Tamanna pissappat suliami ilaasut illuatungeriit sivikinnerpaamik sapaatit akunnerat ataaseq sioqqullugu aggersarneqassapput. Misissuinnermut aningaasartuutit Naalakkersuisunit akilerneqassapput.

Imm. 7. Suliami ilaasut illuatungeriit ataatsimiinnermut takkullutik maalaaruteqartarfimmut nassuiaateqarsinnaanngillat.

§ 86. Misissuinerit § 85, imm. 4-mi taaneqartut naammassineriniit kingusinnerpaamik sapaatit akunnerisa sisamat qaangiunnerini maalaaruteqartarfiup allattoqarfia suliap inassutitalimmik saqqummiunneqarnissaanut siunnersuusiussaaq, taannalu siulittaasumit saqqummiunneqassaaq. Siulittaasup inassutigineqartoq akuerippagu, siulittaasup inassutigineqartoq maalaaruteqartarfimmut saqqummiutissavaa.

Imm. 2. § 85, imm. 5 naapertorlugu akissuteqartoqarani piffissamut killiliussaaq naappat, maalaaruteqartarfiup akissuteqannginneq illuatungiliuttumut pitsaanerpaamik sunnuteqartussatut nassuiarsinnaavaa, pingaartumillu taassuma saqqummiussaa aalajangiinnermut tunngavigisinnaallugu.

Imm. 3. Ineqarneq pillugu maalaaruteqartarfiup aalajangiineri nalinginnaasumik amerlanerussuteqarnikkut pisassapput. Taasisut amerlaqatigiippata siulittaasup taasina aalajangiisuussaaq. Ineqarneq pillugu maalaaruteqartarfik aalajangiinnaatitaavoq, siulittaasooq taassumaluunniit sinniisissaa ikinnerpaamillu ilaasortat marluk taakkuluunniit sinniisissaat najuuppata.

Imm. 4. Ineqarneq pillugu maalaaruteqartarfiup aalajangiineri allattaavinnut allanneqassapput. Aalajangiineq tamanit isumaqataaffigineqanngippat, aamma taarsineq pillugu paasissutissat ilanngunneqassapput.

Imm. 5. Ineqarneq pillugu maalaaruteqartarfiup aalajangiinera maalaaruteqartumut suliamilu illuatungeriittut peqataasunut allanut allakkatigut nalunaarutigineqassaaq. Aalajangiineq tunngavilersugaassaaq. Aalajangiineq tamanit isumaqataaffigineqanngippat, aamma taasineq taasisullu agguarneqarnerat pillugu paasissutissat aalajangiinnermut ilanngunneqassapput.

Imm. 6. Ineqarneq pillugu maalaaruteqartarfiup aalajangiineri Namminersornerullutik Oqartussanut kommunenullu, inissianik attartortitsisuusunut pinngitsoorani malinneqassapput. Namminersornerullutik Oqartussat kommuneluunniit avataaniit allaffissornikkut aqutsisumik isumaginnittuutitaqarpata, maalaaruteqartarfiup aalajangiineri aamma taakkununga pinngitsoorani malinneqassapput.

Imm. 7. Maalaarummik itigartitsineq allaffissornikkut aqutsinermi pisortanut oqartussaasunut allanut suliassanngorteqqinneqarsinnaanngilaq.

Kapitali 15

Ikaarsaariarnissamut atuutsilerfissaanullu aalajangersakkat

§ 87. Inatsisartut peqqussutaat manna 1. juli 2005-imi atuutilerpoq.

Imm. 2. Tamatumunnga peqatigitillugu inissianik attartorneq pillugu Inatsisartut peqqussutaat nr. 5, 31. maj 2001-imeersoq, kingullermik Inatsisartut peqqussutaatigut nr. 3-kkut, 15. april 2003-meersukkut allannguuteqartinneqartoq atorunnaarpoq.

Imm. 3. Inatsisartut peqqussutaat imm. 2-mi taaneqartut tunngavigalugit nalunaarusiat allaffissornikkullu aqutsinermi aalajangersakkat pequssut manna tunngavigalugu aalajangersaanikkut allanngortinneqarnissamik imaluunniit atorunnaarsinneqarnissamik tungaannut atuutiinnassapput.

§ 88. § 45, imm. 3 aamma §§ 77, 78 aamma 80, imm. 1 aamma 2 attartornernut, 1. januar 1990 sioqqullugu aallartissimasunut atuutissanngillat.

Imm. 2. Inissiani attartortittakkani namminersortunit pigisani attartornerit, Inatsisartut peqqussutaata matuma atuutilernissaa sioqqullugu attartornissamik isumaqatigiissuteqarfiusut, attartornerup atorunnaarnissaata tungaanut attartornermut aalajangersakkanut isumaqatigiissutit ingerlaannassapput.

Namminersornerullutik Oqartussat, ulloq xx. maj 2005.

Hans Enoksen

/

Jens Napatōk'

Ilanngussaq 1

Ilanngussaq 2

Ilanngussaq 3

Ilanngussaq 4